


四庫全書考證

一四







四庫全書考證

(三十三)

王太岳等纂輯

四庫全書考證卷八十二

集部

止齋集

香山集

宮教集

定菴類稿

尊白堂集

東塘集

涉齋集

緣督集

舒文靖集

雲莊集

定齋集

四庫全書考證 卷八十二

九華集

野處類稿

應齋雜著

止齋集 宋陳傅良撰

卷十四

張某知宜州敕置候固圍重於他邦刊本圍訛圍今改。

卷二十八

廟議魯語臧文仲曰考下文乃展禽譏臧文仲語此作文仲之言誤。

卷五十一

薛公行狀凡日收錢撫實係歷分隸否則劾聞刊本劾訛效今改。

香山集 宋喻良能撰

卷一

喜賦又若號爲上公震爲長子沈痾旣嬰溘然以死原本號訛啼據史記改。

同從兄季弟游香山追和東坡端午游諸寺韻前車惟伯氏後乘載阿連原本連訛遷據蘇詩原韻改。

卷二

石鐘山南北兩石鐘上下一水側原本上訛工考一統志石鐘山在湖口縣有二上鐘山在縣治南下鐘

山在縣治北。其石視上鐘尤奇。今據改。

魏陶雖非淵明儔。頗亦慕幽迹。案南宋名賢小集載是詩。幽迹作幽逸。

何茂宏茂恭。攜酒見過。復佑以詩次韻。戲彩膝纔容。亦好草可藉。案亦好。集中屢見。乃良能所築園名。秋曉野步。寒烟引輕雲。澹澹縈木杪。案厲鶚宋詩紀事。輕雲作輕素。

卷三

題楞伽寺李公山房藏書閣。不見善和數千卷。空聞鄴侯三萬軸。原本和作私。據柳宗元書改。

八月十五日夜翫月。前年磬湖新雨歇。獨繞湖邊待明月。案磬湖。集中屢見。乃良能家圃之名。磬。原本訛聲。今改。

卷五

書大洞僧壁。幽花充佛供。好鳥伴僧禪。原本僧禪作談禪。據南宋名賢小集改。

卷六

次韻外舅黃虞卿。爲愛山園好。其八。疏簾捲雌霓。曲檻倚雄風。原本霓訛寬。據南史改。

臘八日雪。參議林郎中有詩。因次韻。淖糜分臘序。圓炭度朝寒。原本淖訛掉。案爾雅釋言。糜也。注曰。淖。糜也。今據改。

卷七

次韻李大著春日雜詩其六。潦倒同中散。歡欣似啓期。原本。期訛明。據莊子改。
十二月二日。與陸明府陳廣文。飲閔中堂。修年契也。案集中有詠閔中堂詩。此處閔訛閱。今改。

卷八

一室。只擬綸巾持羽扇。未須赤脚踏層冰。原本。層訛塵。據杜甫詩改。

柳季修知丞。以詩見貽。次韻爲謝。詩清子厚龍城句。字瘦誠懸殿壁書。原本。誠懸訛城懸。據唐書改。
次韻伯壽兄見寄。江國疏梅吐玉英。故園想見木欣榮。原本。玉訛正。據南宋名賢小集改。

卷九

再用前韻。呈參議李郎中。顧我摧頽如病顙。羨公騰踏勝飛黃。原本。飛訛風。據韓昌黎詩改。

卷十一

平湖密曲六從霜後熟。玉芙蓉向露中芳。案授時通考。枳椇。一名密屈律。經霜乃熟。以其枝多而曲。故名。
此云密曲六。音近而義亦相通。當卽是枳椇也。

遊下巖。過松峭祠。傍偃松。細雨復青池上草。西風頓白鬢邊蓬。聊同吾黨二三子。來訪山中十八公。原本。
頓訛煩。聊訛仰。並據南宋名賢小集改。

卷十三

次韻楊廷秀郎中游西湖其九。裨暑渾如深甑炊。原本。裨訛伴。案毛詩。蒙彼緇絺。是繼裨也。傳云。絺之靡。

者爲縗。當暑袷延之服。鄒浩詩。清標藐冰壺。一見滌袷暑。今據改。

次槐卿舅詠梅其二。但得橫枝臨却月。不須斗酒博西涼。原本却訛卽。據何遜詩改。

卷十四

六月十六日。偕夏卿遊香山。夏木陰陰翠竹疏。相攜蕭寺饌伊蒲。原本伊蒲訛尹甫。據後漢書改。

宮教集 宋崔敦禮撰

卷五

進重刪定呂祖謙所編文鑑劄子。案李心傳建炎以來朝野雜記。奉勅刪定文鑑者。實崔敦禮詩。此文乃在敦禮集中。或係代作。亦未可定。姑仍原本。

定菴類稿 朱衛博撰

卷一

次韻謝王使君見贈其二。功成刻楮謾三年。原本年誤千。今改。

乞進帝學劄子。秦之穆公。魏之文侯。亦有樂正裘。牧仲。與夫段干木。田子方之流。案樂正裘。牧仲。孟獻子之友。此引作秦穆公事。蓋誤用。

代人進故事劄子。葉公子高所好畫龍爾。而真龍見焉。原本脫高字。據莊子補。

卷二

辭免御營使表。略反汗之小嫌。收出綸之成命。原本命訛名。今改。

謝除徽文閣直學士表。炯然欲報之心。老矣旣愆之力。原本旣訛能。今改。

真定府賜燕珠盤玉敦篤信誓於齊盟。昌歌形鹽享多儀於備物。原本敦訛果。據周禮改。

卷三

賀葉參政啓。三后同底於道。上方有意于太平。四方惟乃之休。公亦有辭于永世。原本脫休字。據書經增。與教授啓。談經廣坐。重五十席而未休。成書滿家。奏三千牘而盡善。原本奏訛莫。今改。

賀蔣樞密啓。阪泉七十二戰。黃帝不能以去兵。相州六十萬師。郭令猶爲之不守。原本戰訛載。黃訛皇。今改。

尊白堂集 宋虞儔撰

卷一

暇日邀王天任諸公遊南坡。其二。况當荷傾蓋。莫待栗過拳。原本過訛過。案杜工部有穰多栗過拳之句。今據改。

無眠。人情風上草。身世眼中沙。原本。眼訛眠。案。白居易詩。何意掌上玉。化爲眼中沙。今據改。

將至天目登高嶺。雨過黃梅盡。風來翠剡齊。原本。剡訛炎。案。東坡有春秧欲老翠剡齊之句。今據改。

偶成。其一。有底金千鎊。無何酒一杯。原本。鎊訛鏹。據周禮改。

再和陳德章春日送客。其一。含含歌麥秀。廡下老梁鴻。原本。含含訛哺哺。案。梁鴻傳。惟季春兮華阜。麥含

含兮方秀。今據後漢書改。

卷六

論用人聽言劄子。罷甘泉宮衛。齊三服官。原本。三服訛三品。據漢書改。

東塘集 宋袁說友撰

卷一

江舟繹夫。有唱湖州歌者。殊動家山之想。賦吳歌行。案說友家傳。稱爲建安人。而此題聽唱湖州歌。有家山之感。詩中又有我家苕霅邊之句。蓋宋南渡以後。士大夫流寓不常。其里貫則仍署祖籍。如韓氏居上饒。而自稱潁川。呂氏居婺州。而自稱東萊。是其例也。

和林子長韻。乞我黃淤秋。同此天地和。原本。淤訛於。據陳師道詩。乞我黃淤十里秋。句改。

卷二

題王順伯祕書所藏蘭亭修禊帖。如丁如爪辨形似。不豐不露分肥瘠。原本爪訛瓜。案定武蘭亭本。說者謂殊字如蟹爪。列字如丁形。今據改。

卷三

新河一川漲碧分灘遠。萬柳排青夾岸多。原本灘訛誰。今改。

謝誠齋惠酒。平生楊敬惟稱項。歲晚侯芭只守雄。原本敬訛敝。案楊敬之詩。到處逢人說項斯。今據改。

卷五

和薛子晉來慶癸未登第韻。其二。底事牛堪有歸序。韓公平日最相親。原本牛訛朱。案韓昌黎集。有牛堪

序。今據改。

贈應童子。黃石固應傳孺子。玄文真可與童烏。原本烏訛焉。據揚子法言改。

卷六

和子長見招韻。其四。飛香雨過雙溪閣。舞翠荷開十丈花。原本舞訛無。今改。

卷八

論士大夫氣節。百里奚愚於虞而智於秦。裴矩佞於隋而忠於唐。原本矩訛短。據唐書改。

卷十二

舉隱逸狀。恭惟藝祖皇帝之召王昭素。真宗皇帝之召种放。二人者。皆是逸民。原本昭訛召。據宋史改。

卷十五

代王江陰謝改知饒州表。雖舍魚而取熊掌。已則幸之。然頑石而冠鼈頭。人誰甘者。原本頑訛刊。今改。

卷十七

賀兵部王尙書啓。彼衛綰石建之輩。何能起中葉之衰。而鄭綱德輿之徒。烏足掃淮西之僭。原本綱訛細。與訛與。並據唐書改。

除國正謝右相啓。昔焉起部之趨承。已勤薦禰。今也成均之聯屬。更荷鑄顏。原本禰訛稱。今改。

卷二十

家傳。生於紹興庚申歲。原本庚訛壬。案說友卒於嘉泰甲子。年六十五歲。當是生於紹興庚申年也。今據改。

涉齋集 宋許綸撰

卷二

再次大用韻賦梅花。昨夜來朔風。吹香過南町。原本香訛音。今改。

卷三

邵廷評供職未閱月。乞爲淮南檢法以歸。賦長句見志。次韻爲餞。拄笏聊看罨畫山。岸巾且飲淮南酒。原

本岸訛崖。今改。

次韻何起巖喜雨。瑰章傑句助歡呼。石燕商羊俱鼓舞。原本句訛自。今改。

卷四

馴熊歎。忽然逸出渠亦敢。嗇夫當之作人立。原本立訛力。今改。

卷五

次韻轉庵喜雨。其一。通夕聞鳴雷。凌晨起炷熏。原本雷訛雷。今改。

卷七

元日登天長縣城。此城曾是千秋縣。有水呼爲萬歲湖。原本湖訛明。今改。

王宣甫有詩爲寒食之約。次韻。春風已入青絲鞵。好句終歸古錦囊。原本鞵訛鞍。今改。

卷八

春晚登鈴岡。溪漲未消知雨近。林疏頓密見春深。原本消訛澤。今改。

卷十

酬劉孝若。其二。新竹篩金鳴粉籟。初荷擎蓋弄紋漪。原本紋訛絞。今改。

卷十二

李若兄菊詩。同社久已嗟賞。次韻奉酬。一種最開陶徑晚。兩年曾向蔣山求。原本蔣山求訛將山來。今改。

緣督集 宋曾丰撰

卷七

再遊登滕王閣。斷碑無日不濃墨。古砌新秋猶雜苔。案宋詩紀事。新秋作雖秋。雜苔作淺苔。似較此虛實對勝。今仍大典原本。

陳子尙滄洲趣。猗蘭青青結幽思。杜若紛紛生遠愁。原本猗蘭訛倚闌。案文選藉臯蘭之猗靡。下句用杜若。則此句當用猗蘭爲偶。今改。

卷十

紹興淳熙兩朝內禪頌。案此篇鼇溪舊志載曾丰倅瓊日所作。駟置以獻中朝。稱其考證千載。若合符節。有可薦清廟之語。

賀江西提刑馬少卿上任啓。浮榮莫動。處九棘不殊于二松。大事敢爭。視三台無異于一介。案二松刊本作三槐。玩句義自應用二松爲是。

卷十一

代廣東帥通廣西漕到任啓。行上木牛之效。南海澄清。佇歸金馬之居。北辰密邇。原本木訛土。今改。

舒文靖集 宋舒璘撰

卷上

答喬世用書。惟經總制錢費力。原本。經總二字互倒。據文獻通考改。

雲莊集 宋曾協撰

卷二

李懋之壺中齋詩。要識廣輪藏粟粒。且將談笑舉針鋒。原本。輪訛輸。今改。

趙有翼招同社出遊次韻。四山濃淡要題品。百卉後先宜按行。原本。按訛接。今改。

和史侍郎遊澹巖韻六首。原本。巖字訛作山巖二字。案廣輿記。湖南永州府城內有澹巖樓殿。隱石隙中。

風雨不能及。四壁削成萬仞。今據改。

和翁士秀瑞香水仙其一。蝶遶蜂圍碧玉叢。紫羅囊小透春風。原本。透訛逕。今改。

醉江月。好是危亭。片峰迎面。獨占清溪曲。原本。片訛卞。今改。

卷三

賀劉太尉啓。威加鄰國。聲名可怖於四夷。功在本朝。和好蓋成於一戰。原本。聲訛惟。今改。

賀黃同知啓。刃歷千牛而不頓。金由百鍊而愈剛。原本牛訛牟。今改。

賀新湖州程樞密啓。撫熊軾以班條。方聳一圻之望。彈貂冠而就道。實歸四海之心。原本彈訛彈。今改。

卷四

辛巳上時相書。饜蔑一言而得之於堂下。阮瞻三語而置之於幕府。原本饜訛駿。阮訛元。據左傳及晉書改。

定齋集 宋蔡戡撰

卷一

進貞觀諫錄劄子。案集中繳進貞觀諫錄劄子。有淳熙改元云云。則是劄乃孝宗淳熙元年所上。

乞備邊劄子。案集中繳進貞觀諫錄劄子。云淳熙改元。臣蒙恩假守漢東。則此劄乃淳熙元年所上。故篇中有思中興之治。於茲一紀。及臣所領州郡。密邇敵境云云也。

薦鄂州通判劉清之狀。案宋史劉清之傳。通判鄂州。改權發遣常州。考薛應旂續通鑑。除清之通判鄂州。在淳熙三年八月。以清之知常州。在五年冬。則此狀當是五年以前所上。

乞代納上供銀奏狀。案此狀據歷代名臣奏議增入。當是戡提舉廣南東路常平茶鹽公事時所上。蓋淳熙六年也。又案凌迪知萬姓統譜。載戡持節五羊。所部十四郡。歲以敷銀爲病。戡代輸。民甚便之。當卽

此事篇中一十四州府云云可見。

割屬宜章臨武兩縣奏狀。案宋史孝宗本紀。平李接在淳熙六年十月。此狀當上於十月以前也。

禦盜十事劄子。案篇中稱辛棄疾奏。官吏貪求。民去爲盜云云。考宋史辛棄疾傳。由湖北轉運副使。改湖南。尋知潭州。兼湖南安撫。盜連起湖湘。棄疾悉討平之。以孝宗本紀考之。平李接在淳熙六年十月。此狀當是十月以前上也。

第九條。使大小保甲與被盜之家。均備椿管。盜不可得。錢已乾沒。原本保甲訛得申。據歷代名臣奏議改。第十條。凡所以設官置吏爲軍民而已。豈爲是虛名哉。原本脫名字。據歷代名臣奏議增。

卷二

臧否守臣奏狀。案宋史孝宗本紀。淳熙七年七月癸丑。詔二廣帥臣監司。察所部守臣臧否以聞。此狀當是其時所上。

論臧否守令劄子。案此劄係淳熙八年所上。考宋史孝宗本紀。乾道二年六月甲戌。詔諸路監司帥臣。各察守令臧否以聞。故篇中云。臧否之令。行之十六年也。

臧否守臣奏狀。案此狀亦係淳熙八年所上。考薛應旂續通鑑。孝宗淳熙八年閏三月辛巳。命諸路帥臣監司。分州郡臧否爲三等。歲終來上。與篇中之語合。

薦衡州通判宗嗣良狀。案此狀亦係淳熙八年所上。

論備盜劄子案。此劄據歷代名臣奏議增入。當是淳熙八年提點荆湖南路刑獄時所上。又臣竊見廣西提刑徐詡奏請乞撥本路摧鋒軍效用軍等兵五百人案。宋史孝宗本紀淳熙七年乙未詔撥廣西兵校五百人。隸提刑司。當是從徐詡之請也。

乞選擇監司奏狀案。此狀據歷代名臣奏議增入。當是淳熙九年所上。

卷三

乞禁止沿邊作過人劄子案。此劄當是淳熙十年所上。考宋史隆興二年和議成。故篇中有自再議和以來垂二十年之語。

乞移運襄陽府椿管米劄子案。此劄當是淳熙十年前後所上。

奏場務虧額狀案。此是淳熙十年所上。

論屯田劄子案。宋史孝宗本紀淳熙十年五月辛卯詔疏襄陽水渠。以渠旁地爲屯田。尋詔民間侵耕者就給之。此劄當即其時所上。

薦諸軍統制官狀案。宋史孝宗本紀淳熙十一年六月戊午朔詔諸道總領舉偏裨可任將帥者。此狀當是其時所上。

卷四

乞宮觀劄子案。篇中自戊戌之秋首尾七年云云。此劄當是淳熙十一年所上。

乞修江陵府城劄子。案宋史孝宗本紀。淳熙元年六月。改江陵府爲荆南府。此文云江陵府者。已復舊名。地理志所謂未幾復爲江陵府。制置使是也。又案本紀云。十三年八月。新築江陵城。成。此劄當是十三年以前所上。又欲望聖慈。斷自宸衷。給降行在會子三十萬道。原本會子訛會子。據歷代名臣奏議。改。

論唐鄧間道劄子。案此劄據歷代名臣奏議增入。自此以下共八篇。俱係孝宗時所上。其年月未詳。故彙錄於後。

論用人劄子。元祐初載。司馬光、呂公著、范純仁、呂大防、劉摯、蘇轍輩相繼用事。原本劉摯訛劉擊。據宋史。改。

卷五

論州縣科擾之弊劄子。案篇中裁損經總制錢四事。見宋史本紀。故史臣贊云。薄賦緩刑。見於紹熙初政。是劄當上於其時。

繳進貞觀諫錄劄子。案篇中云。壽皇聖帝。孝宗未有廟號。此劄蓋上於光宗紹熙初年也。乞以壽皇聖帝爲法劄子。案此劄亦係紹熙初年所上。

論苟且之弊劄子。案歷代名臣奏議。載光宗以紹熙二年春。有雷雪。詔陳時政得失。故戡上此劄。及下論時事一篇。考宋史光宗本紀。二年二月乙酉。所下之詔。與此相符。

論選用宗室劄子案歷代名臣奏議此劄光宗時所上。

乞上過宮劄子案宋史光宗本紀紹熙三年十一月辛卯帝朝重華宮十二月癸卯帝率羣臣上壽聖皇帝玉牒聖政會要於重華宮此劄乃四年所上。

論時事劄子案宋史光宗本紀紹熙四年十一月戊寅帝朝重華宮癸未帝率羣臣奉上皇太后冊寶於慈福宮此劄卽是年冬所上。

卷六

論謹始八事疏案宋史寧宗本紀紹熙五年七月甲子帝卽皇帝位戊辰詔求直言乙亥賜前宰執侍從詔訪以得失戊子詔百官輪對此疏卽是年所上。

乞法太上皇帝馭下納諫二事劄子案此劄光宗未有廟號當上於寧宗初年。

論邪正劄子案此劄亦係寧宗初年所上。

薦臨安通判王補之狀案此狀亦係寧宗初年所上。

論治道疏案此疏據歷代名臣奏議增入當是寧宗受禪時建泰安宮後所上。

論聖孝劄子案宋史寧宗本紀紹熙五年十月庚寅更泰安宮爲壽康宮此劄當是十月以前所上。

乞賑濟劄子案凌迪知萬姓統譜云戡於寧宗朝爲京兆尹歲澇糶艱戡亟請發民賴以濟考宋史寧宗本紀慶元元年正月辛亥以久雨賑給臨安貧民當是從戡之請也。

辭免除寶謨閣直學士劄子。案宋史寧宗本紀嘉泰二年八月癸未建寶謨閣以藏光宗御集。戡之除官。或在是年。

薦胡槻万俟似狀。案此狀以下共八篇。俱是寧宗時所上。

卷七

太上皇后壽表。案宋史孝宗本紀淳熙十年十二月丙子朝德壽宮行太上皇后慶壽禮。又案后妃列傳。

淳熙十年以后年七十親屬推恩有差。二表當是其時所上。

謝頌降御筆廷詔碑表。敢不仰體訓詞。推大成繭旅生之治。精加督察。庶臻附枝兩岐之祥。原本成訛誠案成繭旅生。見後漢書光武本紀。今據改。

湖南提刑到任謝表。案凌迪知萬姓統譜。戡爲湖南憲。李昂霄有異謀。單車馳諭。卽在此時。又以戡所作大父行狀考之。其爲提刑。乃淳熙八年也。

京西運判到任謝表。皇靈遠愴。聖德兼容。案愴字說文。安也。類篇。恬也。考漢書李廣傳。威靈愴乎鄰國。註作恐字解。戡文蓋本此。

淮西總領到任謝表。案戡奏場務虧額狀云。臣於七月二十日到任。蓋在淳熙十年。此表當卽其時所上。湖北總領到任謝表。案此表當是淳熙十年後所上。

廣西經略到任表。案戡詩題有淳熙戊戌。將命廣東。後二十三年。分闢桂林云云。此表當是嘉泰元年所

上。

除寶謨閣待制謝表。案此表當在寧宗嘉泰間所上。

賀正表。案此表亦係寧宗嘉泰間所上。

瑞慶節賀表。案宋史寧宗本紀。帝於乾道四年十月丙午生。紹熙五年七月甲子。卽皇帝位。八月丁酉。以生日爲天祐節。九月甲戌。改爲瑞慶節。此表蓋上於開禧後。戡奉祠之時。

代辭免簽書樞密院表。案此表以下共三篇。俱係代王之奇作。今彙錄於後。又宋史宰輔表。乾道八年二月。王之奇自吏部侍郎權尙書。賜同進士出身。除端明殿大學士。簽書樞密院事。孝宗本紀並同。

代淮東安撫使謝表。案宋史宰輔表。乾道九年正月。王之奇罷簽書。以資政殿學士。知揚州淮南安撫使。孝宗本紀並同。此云淮東者。蓋正月尙合兩路爲一道。有戡作之奇行狀可證。考地理志。淮南舊爲一路。熙寧五年。分爲東西兩路。元祐元年。西路東路並爲淮南路。孝宗本紀。乾道九年三月。復分淮南路。安撫使爲東西路。之奇到任。應在三月以後。故題作淮東也。

賀太上皇后牋。案此牋係淳熙十年所上。

太后慶壽賀皇后牋。案此牋亦係十年所上。又考宋史后妃列傳。成肅謝皇后。淳熙三年。由貴妃立爲皇后。

賀太皇太后牋。案宋史后妃列傳。成肅謝皇后。光宗受禪。上尊號。壽成皇后。尋尊爲皇太后。寧宗慶元初。

加號惠慈。嘉泰二年。加慈祐太皇太后。又案寧宗本紀。開禧元年五月乙亥。詔以衛國公曦爲皇子。進封榮王。二牋當是其時所上。

卷八

賀皇后牋。案寧宗皇后二。一爲恭淑韓皇后。一爲恭聖仁烈楊皇后。此牋上於開禧元年。則楊皇后也。

上汪制置書。案汪制置名應辰。此書當是乾道三年所作。

上虞樞密書。案虞樞密名允文。此書當是乾道五年所作。

乞更運京西椿管米事。案此書當是淳熙十年所作。

辭免乞宮觀書。案戡乞宮觀劄子。有戊戌之秋。首尾七年云云。此書當是淳熙十一年所作。

辭免應辦孝宗皇帝梓宮。渡江轉官書。案此書當是光宗淳熙五年冬所作。

上論邊事二書。案此書當是慶元四年後所作。

上宰執書。案篇中所云。與戡生平出處不符。當是代人之作。今附錄於後。

卷九

迎汪制置啓。案宋史汪應辰本傳。孝宗時以敷文閣直學士。爲四川制置使。知成都府。入覲。除吏部尙書。考孝宗本紀及宰輔表。當在乾道三年冬。

賀梁樞密啓。案宋史宰輔表。乾道五年二月甲寅。梁克家自給事中除端明殿學士。簽書樞密院事。此啓

當作於其時。

賀王參政啓。運籌而合上意。有嘉底績之言。共政而圖舊人。果拜爲眞之命。案宋史宰輔表。乾道五年二月甲寅。王炎自端明殿學士。簽書樞密院事。兼權參知政事。兼同知國用事。知樞密院事。孝宗本紀。無權字。此云果拜爲眞之命。則炎蓋由權參知政事。而進參知政事。紀與表各漏書其一。此可補正史之闕。

賀王參政啓。案宋史孝宗本紀。乾道五年三月乙亥。以王炎爲四川宣撫使。仍參知政事。此啓蓋三月所作。

賀虞樞密啓。案宋史宰輔表。乾道五年六月己酉。虞允文自資政殿大學士。知樞密院事。四川宣撫使。召除樞密院使。孝宗本紀。及允文傳皆同。二啓當作於六月七月間。

賀史發運啓。案宋史孝宗本紀。乾道六年三月。復置江浙荆湖兩廣福建等路都大發運使。以新知成都府史正志爲之。此啓當即是時所作。

改官後謝福州陳丞相啓。案宋史宰輔表。乾道六年五月。陳浚卿罷左僕射。除觀文殿學士。知福州。孝宗本紀。及浚卿傳並同。此啓當是其時所作。

賀龔運使啓。案宋史龔茂良傳。自廣東提刑。知信州。召對崇政殿。除直顯謨閣。江西運判。兼知隆興府。在陳浚卿出知福州之後。此啓當亦作於乾道六年。

賀王樞密啓案宋史宰輔表乾道八年二月癸丑王之奇自吏部侍郎權尙書賜同進士出身除端明殿學士簽書樞密院事孝宗本紀同此啓卽是年所作。

除正字謝宰執啓案此啓當是孝宗乾道淳熙間所作。

賀龔參政啓案宋史宰輔表淳熙元年十一月戊戌龔茂良自禮部侍郎兼權禮部尙書除參知政事孝宗本紀及茂良傳皆同此啓當卽是年所作。

賀建康留守陳少保啓案宋史孝宗本紀淳熙七年六月丙戌以特進觀文殿大學士判建康府陳浚卿爲少保浚卿本傳同此啓當是其時所作。

賀周知院啓案宋史宰輔表淳熙九年六月丁巳周必大自參知政事除知樞密院事必大本傳同此啓當是其時所作。

卷十

賀李參政啓案宋史宰輔表淳熙二年閏九月丁巳李彥穎自端明殿大學士簽書樞密院事除參知政事孝宗本紀及彥穎傳並同本紀又云淳熙九年七月壬辰以資政殿學士李彥穎參知政事彥穎傳亦云提舉洞霄宮復參知政事則此啓當作於九年而宰輔表是年宰執之拜罷脫謬甚多得此文可與紀傳互證。又觀天人甚可畏也深思董生之言爲國家不足懼焉再味康澄之說原本康澄訛作康成今據五代史改。

除湖廣總領謝宰執啓案此啓當是淳熙十年後所作。

知隆興府到任謝宰執啓案此啓當是寧宗慶元初年所作。

知靜江府到任謝宰執啓案戡之知靜江府蓋在慶元嘉泰間考宋史寧宗本紀及宰輔表慶元六年八月丁酉以後嘉泰三年正月己卯以前謝深甫一人獨相篇中有淝水東山云云則此啓當是上深甫之作。

代賀汪尙書啓案汪尙書卽應辰此啓蓋乾道三年所作。

代賀黃尙書啓案朱子端明殿學士黃中墓誌云乾道元年除集英殿修撰致仕六年召爲兵部尙書兼侍讀宋史黃中本傳同此啓當是六年所作。

卷十一

廷對策案此策當是乾道二年所作。

館職策案此策乃乾道七年所作。

卷十二

高帝論信方懷推食解衣之恩力拒武涉蒯通之計原本蒯訛荆今據漢書改 又何之守關中用召平鮑生之計原本召訛郡今據史記蕭何世家改

申屠嘉論初以材官蹶張從高帝征伐原本材字下多一居字今據漢書刪

定齋記案此記當是紹熙二年辛亥後所作。

卷十三

送陳侍郎序案宋史陳浚卿傳乾道元年自提舉太平興國宮入除吏部侍郎同修國史尋知建康府此序當是其時所作。

送岳大用序案載跋東坡墨蹟所題歲月則此序當作於乾道年間。

蘆川居士詞序案陳振孫書錄解題云蘆川詞一卷三山張元幹撰坐送胡邦衡詞得罪秦相者也又案宋史胡銓上書請斬秦檜謫廣州在紹興八年十一月再謫新州在十二年七月史不載張元幹以詞送別事而王明清揮塵錄詳言之今考元幹蘆川歸來集中有送胡邦衡待制赴新州賀新郎一闕即此序所云請以冠諸篇首者也。

跋張大資政奏議案陳振孫書錄解題張守著有毘陵奏議二十五卷又考宋史張守傳紹興八年以資政殿大學士知婺州。

隆興府勸農文案載知隆興府在寧宗慶元初年此文卽是其時所作。

祭亡弟允夫文案此篇當是淳熙十一年所作。

卷十四

故端明殿學士王公行狀案此狀原本無姓名籍貫三代今考孝宗本紀王之奇自吏部侍郎權尙書除

端明殿學士王公蓋卽之奇當是乾道九年所作也。又九年正月遂解機政案宋史宰輔表乾道九年正月王之奇罷簽書以資政殿學士知揚州淮南安撫使孝宗本紀同原本作二月誤今考正。

大父行狀案此篇係淳熙八年所作。又公諱伸字申道原本伸訛伯申道訛申通今據凌迪知萬姓統譜改。又考宋史蔡洸傳云父伸左中大夫與此狀官至左中大夫次子曰洸相合。又夫人賈氏生直龍圖閣佃徽猷閣待制佃原本佃訛伸考萬姓統譜云佃大觀三年進士官至徽猷閣待制與下文待制以上舍中大觀三年丙科之語相符今改。又龍圖中崇寧二年進士第一案崇寧二年宋史作政和初與此互異。又喜爲詩詞通音律案陳振孫書錄解題云友古詞一卷左中大夫莆田蔡伸撰伸自號友古居士君謨之孫。又戩知婺州浦江縣原本浦作普當以音近而訛今據宋史地理志改。

卷十五

故朝議大夫直寶文閣學士胡公墓銘案此篇當是淳熙五年所作。又曾大父贈太師案宋史胡宿傳作太子太傅與此互異。又大父諱宗堯都官員外郎案胡宿本傳子宗炎以直龍圖閣知潁昌府歷密州而卒從子宗愈宗回附見傳中無所謂都官員外郎名宗堯者考朝宿文恭集中李太夫人行狀云孫宗度宗陽宗堯凡二十四人宗堯擢進士第任饒州團練判官彼此互異。朝奉郎提點江南東路刑獄趙公墓誌銘案此篇當是淳熙十三年所作。中大夫致仕朱公墓誌銘案此篇係慶元四年所作。

卷十六

新居用韓昌黎詩。辛勤三十年。以有此屋廬爲韻。作十詩。案此詩當是光宗時所作。

朱文朝宗索壺村落成之集。次韻簡之。案戡所著朱朝宗墓誌。則此詩當作於慶元四年以前。病中紀事。案此詩當是慶元六年庚申所作。

效白樂天體。自詠二十韻。案此詩當是開禧二年所作。

送張安國舍人。案宋史張孝祥傳。高宗時爲起居舍人。權中書舍人。孝宗時復除起居舍人。此詩當作於孝祥出知靜江府。廣南西路。經略安撫時也。

和楊廷秀遊蒲澗之什。原本澗訛間。據誠齋集原倡題改。

卷十七

予頃歲持節湖湘。今二十四年。白首重來。親舊十無二三。感而有作。案此詩當是光宗時所作。

乙卯春病中書。案此詩當是慶元元年所作。

代趙儀可輓劉叔丙。案宋末趙儀可。名文。著有青山集。與戡時代不相及。疑別一人同姓名者。或他人詩。誤入戡集。今無別本可校。姑仍其舊。

感事。案此詩當是開禧二年所作。

卷十八

易地湖外喜而有作。案此詩當是淳熙八年。戡爲湖南提刑時所作。

了未立春日。讀白樂天浩歌行。不覺身年四十七之句。時方悼亡。有感而作。案此詩當是淳熙十四年所作。

卷二十

六十案此詩當是慶元六年所作。

九華集 宋員興宗撰

卷一

和王丞絕勝亭三嶠此其一。松柏爭敷榮。案一統志三嶠山在仁壽縣。原本嶠訛隅。今據改。
宜賓別楊同年次論月蝕詩。獨探全愈心。原本全訛全。今改。

卷二

紫雲洞道在醫嘶峯外之高峯。案一統志所引益州志云。東西南隅相對。共號三嶠。三山之名。曰飛泉、醫嘶、跨鼇。原本醫訛醫。今據改。

卷四

遣興。其八。陝府東郊魏仲先。案宋史魏野傳。野字仲先。居陝州之東郊。原本先訛賢。今據改。

贈金山老。寺內何人口生醜。阿師政爾息深深。原本醜訛。案廣韻內有醜字。注云。醋生白醜也。興宗用此字。蓋卽口角流沫之意。今據改。

卷五

嚴爵賞劄子。戶爲胠篋。本以防盜也。大盜至。則并胠篋而取之。案莊子。將爲胠篋。探囊發匱之盜。而爲守備。則必攝緘縻。固扃鑰。胠篋蓋指盜而言。此處戶爲胠篋。本以防盜云云。是誤以胠篋爲守備之具也。此興宗不檢之失。又蓋壞陛下德意者。有司也。原本壞訛懷。據歷代名臣奏議改。

廣招募劄子。凡捕人補軍。如捕逃亡。原本脫人補二字。據歷代名臣奏議增。

卷六

風俗議。以教唆爲養生。以鼓勵爲樂事。良民怯畏。蓋亦坐是。原本坐訛止。據歷代名臣奏議改。

議虛額疏。何謂權宜之法。四川折估是也。原本估訛沾。又前日頒下三百萬之數。原本脫百字。並據歷代名臣奏議增改。

議冗員疏。太平興國初。朝官班簿。纔二百人。原本初訛兩。據歷代名臣奏議改。

卷七

議功賞疏。如雷有終在蜀。尙給功帖七千。原本雷訛此。據歷代名臣奏議改。又應合酬敘之人。令主將對衆敘定。原本主訛諸。敘訛聚。並據歷代名臣奏議改。

議征稅疏。本無稅物監欄。一面虛喝。謂之花喝。原本花訛化。據歷代名臣奏議改。

卷九

陳子昂韓退之策。所謂柳氏。則子昂似之。文傳太原盧藏用。藏用傳蘇源明。源明則退之之所師友也。原本源訛淵。今改。

卷十二

答洪丞相問隸碑書。劍川梓潼道上有雙闕。或云孝廉闕。或云使君闕。原本梓訛倅。據宋史地理志改。又司馬天官書。咸池曰天五潢。原本脫潢字。據史記增。

卷十三

上執政書。昔契丹使蕭英來聘。仁宗以富弼接伴。原本伴訛律。據宋史改。

卷十四

謝蔣參政啓。家三徑以載清。論萬幾而中病。原本徑訛經。案此當是用蔣詡蓬蒿三徑事也。今據改。賀漕使啓。陝以西。二公主之斗以南。一人而已。原本脫一字。今增。

卷十五

上宰相。其二。皆願掃門而無因。望烏而不得。原本掃訛歸。據史記改。

卷十六

上虞丞相其三。如張愈蘇洵。一時薦錄。原本愈訛愈。案張愈字少愚。益州郫人。見宋史隱逸傳。今據改。
與喻少穆知縣。每以表伯郎中。捫膝先生爲法。案王應麟困學紀聞。後魏葛榮陷冀州。賈景興稱疾不拜。
每捫膝曰。吾不負汝。僞楚之僭。喻汝礪捫其膝曰。此豈易屈者哉。以捫膝自號。蓋本於此。又案喻汝
礪字迪儒。蜀之仁壽人。官祠部員外郎。歸隱邛山之陽。自號捫膝先生。有捫膝稿。表伯郎中。蓋卽汝礪
也。原本脫先生二字。今增。

與喻漢輔。此間客愁縛人。臣朔之飢。又不免也。原本朔訛朝。據漢書改。

卷十八

三史亞六經論。觀其傳龜策。傳日者。其事類淫巫瞽叟。原本日訛見。據史記改。
諸子言性論。至若杜牧。皇甫湜。李翱之徒。原本湜訛淀。據唐書改。

聖人之書。言行論。仕則進而無可無不可。心則縱而矩不踰。按從心作縱心。見興宗論語解。
七十二賢論。觀其命君陳。命蔡仲。原本君訛名。今改。

卷十九

隆州新倉郡樓記。案宋史地理志。隆州舊爲仙井監。隆興元年始改名。原本州訛周。今據改。又若牽乎
廬阜。賓乎衡麓。原本阜訛追。今改。

卷二十

送魏元履序。子初以冒處三館爲愧。原本三訛至。案興宗于孝宗時召試入三館。今據改。

跋劉原文。是歐陽子之所以敬學者歟。其後蘇彥瞻執贄見公長安。曰是出于天不可及者。是氣也。而彥由亦曰。今之伯夷不可尙已。案蘇彥瞻彥由。卽子瞻子由也。宋人有此稱。殆不欲直斥先賢之字耳。嘉州德山和尚塔銘。且一水顧異月。萬竅顧異風乎。原本月訛曰。今改。

卷二十一

員公墓誌銘。大儒蘇洵明允。文同與可。皆與之定交。原本同訛周。今改。

卷二十二

論語解。七十而從心所欲。不踰矩。惟其時中心則縱而矩不踰也。案此解與集傳不同。攻乎異端。斯害也已。案此解攻字作辭而闢之。已字作止字意。其說亦與集傳不同。

卷二十三

老子解。衆人熙熙。如享太牢。如登春臺。案登春臺。王弼注本作春登臺。柔弱勝剛強。一本作柔勝剛弱勝強。

侯王得一以爲天下貞。其致一也。案焦竑云。致之下。開元本無一也二字。王弼注本從之。又王侯無以爲貞而貴。高將恐蹶。王弼注本作王侯無以高貴將恐蹶。與此互異。夷道若類。案類字。王弼注本作類。河上公注本與此同。今仍其舊。

子孫以祭祀不輟。案韓非子以字下有其世世三字。毒蟲不螫。猛獸不據。攫鳥不搏。案毒蟲他本俱作蜂螫虺蛇。惟河上公本與此同。是以聖人欲上人。以其言下之。案他本無聖人二字。我有三寶。保而持之。案保而持之。王弼注本作持而保之。善勝敵者不爭。案爭字。王弼注本作與。夫惟無知。是以不我知也。案不我知下。各本俱無也字。知不知尚矣。案尚字。各本俱作上。併無矣字。民之飢。以其上食稅之多也。案多字下。河上公及王弼注本俱無也字。

卷二十四

秦州徙城北山。北山卽隗囂故宮。杜少陵所謂秦州山北寺。故跡隗囂宮。原本宮訛官。又案杜甫秦州雜詩。故跡隗囂宮。故跡一本作傳是。

四川山寨。天設之險。杜老謂萬古仇池穴。潛通小有天。原本杜老訛東老。今改。

卷二十五

紹興采石大戰始末。案采石之戰。乃紹興三十一年。高宗親征。詔葉義問督視江淮軍馬。虞允文參謀軍事。是卷所紀始末甚詳。足與史鑑互相參證。

野處類稿 宋洪邁撰

卷上

曉過吳縣。雙槽兀殘夢。原本兀訛尤。今改。

陪餘杭張無隅先生飲。士林師範六一翁。原本一訛千。今改。

戲答胡汝能。我介足怨忌。君通絕嫌猜。原本足怨二字互倒。又猜訛精。今並改。

書窗對月。今年有奇事。三見飛玉英。原本飛訛非。今改。

宿野人家。人家一宿晚可投。原本晚訛曉。今改。

度石棟嶺。敲冰那可飲。原本冰訛冷。今改。

寄題叔父池亭。轉柁失高城。原本柁訛枕。今改。

蔬飯嗟余飯。藜藿咽塞舟。泝瀨原本泝瀨訛泝懶。今改。

送僧往將妙響。應空谷。一任飛來遂止車。原本車訛梁。失韻。今據六度集經改。

卷下

題蘆鴈屏。秋風不勝威。原本威訛感。今改。

十一月十九日。與仲猷。大年。縉中。美中。飲于南臺。空山欲雪雲冥冥。原本雪訛聖。又。此身垂欲走塵土。

原本土訛不。又金昆石友一開眉。原本金訛登。案此詩并見朱松韋齋集。未知孰是。今並據改。

宿禪寂院瓦鴟鐵鳳凌空虛。原本鐵訛鷓。據王勃九成宮頌序改。

有懷舍弟逢年。豨膏非鳳喙。原本豨訛稀。據史記滑稽傳改。

秋懷淺源觴可濫。原本濫訛盪。又策策井梧涼。原本涼訛源。又後生抱奇衷。原本衷訛忠。今並改。

應齋雜著 宋趙善括撰

卷一

建明奏議。廣南就邕州市馬久矣。忽改而置之于南詔。原本詔訛舟。據宋史改。

茶寇利害劄子。贛吉袁撫四州之地。正當擇守臣付以兵柄。原本撫訛衝。據宋史改。

卷二

賀趙樞密啟。翻紅藥于北門。花磚不移於晝步。對紫微於西掖。蓮燭復聞於夜歸。原本復訛後。今改。

賀謝大監啓。久疏樂霧之披。屢拜郇雲之賜。原本披訛庇。今改。

卷五

過前岡見毀松有感。暗引風聲號綠野。密留雲影掛蒼枝。原本綠野二字互倒。今改。

登梅仙壇觀中作樓與雲齊曾觀日壇因斗建欲捫天原本齊訛集今改
過清渚桑圃霜空乾葉舞麥畦雨潤翠苗斑原本苗訛毛今改

卷六

鷓鴣天和冠之韻如今重到經行處妙墨新詩得屢聞原本經行訛行徑今改

四庫全書考證卷八十三

集部

劍南詩稿

南湖集

自鳴集

石屏詩集

燭湖集

省齋集

橘山四六

克齋集

鶴山集

西山文集

東山詩集

鶴林集

漁野類稿

滄洲塵缶編

篔窗集

方壺存稿

鐵菴集

臞軒集

敝帚稿略

劍南詩稿 宋陸游撰

卷一

謝王彥光提刑見訪。肯顧荒山野水濱。刊本。肯訛皆。今改。

卷二

將赴官夔州書懷。民風雜夷徭。封域近六詔。刊本。六訛無。今改。

卷三

南池注。安知有蒼池。萬頃浸坤軸。刊本。坤軸訛乾坤。據杜工部集改。

綿州錄。參廳觀姜楚公畫鷹。他時此物合致用。刊本。他訛天。據別本改。

卷四

秋夜遣懷。迹似春萍本無蒂。刊本。蒂訛柢。今改。

卷五

夜食炒栗有感。和寧門外早朝時。刊本。時訛來。據宋詩鈔改。

卷六

鄂縣道中。江落灘聲壯。刊本。落訛路。據別本改。

喜雨。小畦蔬甲已堪烹。刊本。蔬訛稀。據別本改。

卷九

正月二日。府公宴移忠院。藍尾傳盃後。刊本。藍訛燼。據白樂天集改。

卷十一

鵝湖夜坐書懷。裴度請討蔡。奏事猶裹創。刊本。裹訛衷。今改。

卷十二

五月十一日夜且半。夢從大駕親征。首宿峰前盡亭障。刊本。亭訛停。今改。

卷十三

別楊秀才。歲暮江頭又別離。刊本。別訛語。今改。

對酒。但恨寶釵樓。注。咸陽旗亭也。刊本。陽訛都。據別本改。

卷十四

梅雨陂澤皆滿。汪汪牛溲白。刊本。溲訛潼。據穆天子傳改。

卷十八

水亭獨酌。定襄五原間。乃可畫地守。刊本。五訛伍。今改。

卷十九

地僻乘槎不是星躔遠。刊本星訛英。今改。

卷二十

三月二十日晚酌。朱櫻青杏正新嘗。刊本杏訛店。據別本改。

卷二十二

縱筆玉霄峯頭雪色鹿。刊本色訛也。今改。

卷二十六

枕上聞禽聲。破曉一聲婆餅焦。刊本婆訛娑。今改。

卷二十八

癸丑十一月下旬。溫燠如春。青天方行三足鳥。刊本足訛尺。今改。

卷二十九

西窗睡起。秋山慵伴獵將軍。刊本慵訛備。今改。

卷三十

新暑書事。吾愛吾廬暑氣微。刊本暑訛喜。今改。

卷三十二

春夏之交。風日清美。欣然有賦。猶插金貂侍帝宸。刊本宸訛晨。今改。

卷三十八

三山卜居。今三十有三年矣。屋陋甚而地有餘。刊本。陋訛漏。據別本改。

卷三十九

得故人書。此心誰復許。刊本。許訛謀。據別本改。

卷四十三

齋中雜興。月夕聞吹笛。注。每聞笛聲。淒甚。刊本。淒訛異。據宋詩鈔改。

卷四十四

讀蘇叔黨汝州北山雜詩。社雨泥一尺。刊本。尺訛赤。據別本改。

卷四十六

閒中自詠。細繞坡頭行。犖确。刊本。确訛甬。據別本改。

卷四十九

晚興。時聽荒園啄木聲。刊本。啄訛削。據別本改。

卷五十二

雜興。灰深火正熱。刊本。熱訛熟。據別本改。

卷五十五

連陰欲雪排悶。先生經旬甑生塵。刊本。生訛座。據宋詩鈔改。

卷六十一

春興。沙平看臥犢。葉密聽鳴禽。刊本。葉密二字互倒。據別本改。
雨草堂東望不勝清。刊本。東訛登。據宋詩鈔改。

卷六十四

憶昔。刊本。憶訛惜。據別本及本詩改。

卷六十六

夜聞姑惡。學道當于萬事輕。刊本。輕訛轉。據別本改。

卷六十九

舍南雜興。倦憩石腰鼓。注。石工琢石作腰鼓樣以坐。刊本。腰訛杖。據別本改。
自法雲回。過魯墟故居。芋魁豆莢不勝肥。刊本。莢訛兩。據別本改。
幽事。東皇又挽斗杓回。刊本。杓訛柄。據史記改。

卷七十

予素不工書。作詩自嘲。髭鬢入小學。刊本。髭訛統。據別本改。

卷七十一

幽居卽事。修綆汲牛乳。刊本。綆訛梗。今改。

雷雨稽首謁龍公。刊本。首訛手。今訛。

卷七十二

秋感豎褐猶懷卒歲憂。刊本。豎訛堅。今改。

卷七十六

禽言蠶女採桑至。羹繭。刊本。蠶訛蠢。據別本改。

卷八十

後雜興拜覬不敢忘。刊本。覬訛況。今改。

卷八十三

書意歡醜如上尊。刊本。醜訛漓。據別本改。

南湖集 宋張鑑撰

卷一

雜興其三十四。道上車鐸逢。地底黃鐘成。原本。鐸訛驛。據世說荀勗事改。

卷四

次武子韻。安心從太末。借屋近平原。原本末訛白。案時武子近從天台宏智師遊。天台與太末山相近。應作太末爲是。今改。

遊大中乾元寺。僧殘無悟語。猶幸結宗雷。原本雷訛蕃。蕃字出韻。案宗雷卽淨社諸人。今據改。

卷六

次韻酬新九江使君。杉旁試履拖雲濕。石上敲鈎破蘚斑。原本脫斑字。今依韻增入。
官舍夢歸南湖。覺來不忍輕開眼。窗外芭蕉戰曉寒。原本曉訛兢。今改。

姑蘇懷古。成壞不將供一笑。爭如烟外罟漁郎。原本罟訛罟。案廣韻罟捕魚網。今據改。

卷七

立秋後一日。池上雜興。船舫何事若輕雷。盪葉衝蓮一道開。原本衝訛衝。今改。

自鳴集 宋章甫撰

卷四

送潘致虛之湖南。久客兒童狎。窮居草木長。原本久訛允。今改。

卷五

閒吟其二。梅花白盡柳初黃。春未平分日已長。原本初作花。按李白詩。柳色黃金嫩。王安石詩。弄日鵝黃。

曩曩垂賦新柳者多用黃字。若柳花則白而非黃矣。今據改。

石屏詩集 宋戴復古撰

卷二

題趙庶可山臺超然闌闌閒。原本超訛趨。今改。

卷五

海月星天之觀。注人行中路月升海。原本升訛上。今改。

燭湖集 宋孫應時撰

原序

已會粹者十有二卷。案宋史藝文志燭湖集十卷。祖佑跋亦作十卷。序稱十二卷。疑誤。今姑從原本。

卷一

慈福太后加上尊號表。案宋史高宗憲聖慈烈吳皇后。淳熙中名所御殿曰慈福。光宗立更號壽聖皇太后。以壽皇故不稱太皇太后。紹熙四年后壽八十加尊號曰隆慈備福。案篇中有八秩壽康之慶云云。此表及下篇均當爲紹熙四年所作。

會慶節賀表。案宋史禮志。孝宗以十月二十二日爲會慶節。

其二。臣綴班奎閣。將指坤維。原本坤訛揮。案蜀爲坤維。集中表箋。皆應時在蜀幕時。代邱壻所作。今改。重明節賀表。案宋史禮志。光宗以九月四日爲重明節。

其三。身糜萬里。忝西清學士之班。節過千秋。慶南極老人之見。案宋史邱壻傳。壻知成都。進煥章閣直學士。故篇中有西清學士云。

賀壽成皇后牋。案宋史。孝宗成肅謝皇后。光宗卽位。上尊號壽成皇后。

代請龍圖閣學士胡沂謚狀。案此狀代胡沂之子摶所作。摶上此狀後。賜謚獻簡。考宋史。沂本傳作獻肅。

而施宿會稽志作獻簡。餘姚志。沂初謚章簡。又以摶言易獻簡。附考。又伏念臣先父龍圖閣學士左。

通議大夫致仕。餘姚縣開國子。食邑六百戶。案宋史及會稽志。沂本傳不載。餘姚縣開國子云云。此可。

以補其闕。又再念先臣幼爲宣和諸生。險阻艱難。義不忘君。案會稽志。沂宣和末。補太學諸生。圍城。

之難。獨閉戶肄業。如故。篇中宣和諸生云云。卽指此事。

太守入境。與文太師先狀。案宋史宰輔表。淳熙以後。慶元以前。無文姓居宰執。官太師者。惟彥博官太師。

與應時代先後不相及。篇中有洛上云云。疑爲北宋人文字。永樂大典。誤編入此。今無別本可校。姑。

仍其舊。

答新成州宇文知郡子震狀。案宋史地理志。成州本屬秦鳳路。紹興初。陝西地入于金。改隸利州路。篇中。

云關外偏州。國西要地。皆指成州。以宇文子震新有除命。故稱新成州。原本誤作新城。考新城屬臨安。未嘗升爲州。今改正。

謝虞提刑陞陟狀。謾明雖惡。不廢于一言。卽墨可封。無間於多毀。原本謾訛駿。據左傳改。

答單侍郎到狀。撇漩捎潰。纔脫巴江之險。捫參歷井。更知蜀道之難。原本捎潰訛捎潰。據杜詩。最能行撇漩。捎潰無險阻句改。

迎韓相自洛西還闕判北京狀。案宋史。崇寧元年。韓忠彥自左僕射兼門下侍郎。出知大名府。兼北京留守。考宋史地理志。慶曆二年。改大名府爲北京。南渡後。大名沒入於金。安得有判北京者。此狀當必有誤。今姑仍原本。

迎蔡相自裕陵還闕狀。案宋史。元豐八年。神宗葬永裕陵。以蔡確爲尙書僕射兼門下侍郎。爲山陵使。此篇云祇奉祠於虞幄。當指此事。應時生於南渡後。此狀當必有誤。今姑仍原本。

卷二

發舉謝鄉帥啓。念宣獻以來。源流學術之粹。顧春明之望。冷落艱難之餘。案宋史。宋綬。謚宣獻。此啓當代宋氏所作。

其三。如某者。涑水諸孫。山陰北客。案此二語。當代司馬氏所作。

迎知嚴州冷殿院啓。案楊簡撰應時壙志云。丞泰州海陵。丁承議君憂服闋。爲嚴州遂安令。而張湜會稽

續志。孫應時傳失載。餘姚志因之。此啓乃官遂安時所上。

謝執政啓。案會稽志。應時自蜀回。改秩知平江府常熟縣。旣滿。郡將以私憾。摺撫倉粟。流欠三千斛。士民相率擔負。詣郡代償。竟坐貶秩。又案三省官請甄錄。應時子開祖劄云。公朝察其無罪。特予改正。僅授邵武通判云云。篇中自叙。卽指此事。

卷三

代邱帥回興元宇文尙書啓。請行老上單于之庭。歸贊中興天子之計。案宋史。宇文紹節傳。祖虛中。父師瑗。皆以使北死。考虛中父子死於金。皆在紹興間。邱密帥蜀。在紹熙。與紹節同時。而宋史本傳。無使北及帥興元事。此篇請行老上云云。當另是一人。又案篇中有並轡曲江。聯袂四府。又顛掌夏官等語。則此人當爲隆興元年。與邱密同榜進士。爲樞密屬官。至是以兵部尙書出帥興元。而宋史無考。附識於此。

代胡崇禮通交代徐提幹啓。案胡崇禮。名擢。沂之子也。見集中胡提幹壙記。崇禮嘗爲兩浙轉運使。提幹此篇。爲其時所作。

上黃巖呂知縣啓。原本黃訛童。今改。

卷四

上知平江府鄭寺丞簡。其四。自今戶部侍郎劉公著績之後。無一令善去者。案宋史劉穎傳。紹興二十七

年進士知常熟縣。陳峒反。所擒賊多穎計策。帥上其功。召監進奏院。光宗時。權戶部侍郎。應時時爲常熟令。所指劉公卽穎也。

回楊總領簡。其二。所謂相如子雲再生蜀。此摺紳章布所戶知也。案此數篇皆代邱宥與楊輔簡。考宋史輔本傳。遂寧人。登進士甲科。召試館職。由校書郎出知眉州。故此篇引相如子雲。及下篇擇西州之望云云。以輔本蜀人也。又顯使西州。旣四易節。案宋史楊輔傳。輔知眉州。累遷總領四川財賦。升太府少卿。仍爲總領。故云。

回京制帥賀交割簡。案宋史京鏜傳。西川闕帥。以鏜爲安撫使。兼知成都府。鏜到官。蜀以大治。召爲刑部尙書。今案此數簡代之者卽邱宥也。而宋史未詳。

卷五

上海翁朱先生書。其七。今張侯往。自慰西人之望。案宋史邱宥傳。吳挺死。宥卽奏乞選他將代之。朝命張詔代挺。此云張侯卽指詔也。

其九。且邱丈遭臺評。下客贊畫無狀。案宋史邱宥傳。寧宗卽位。赴召。以中丞謝深甫論罷之。此所云遭臺評。卽指此事。

其十。重念先人墓碣。久蒙尊諾。原本人訛生。案應時嘗乞其父雪齋墓誌銘於朱子。屢見集中。據此當作先人。今改。

與石檢詳書某甚欲一詣剡與兄別且別編修之殯原本脫去修字案集中有石編修行狀代石應之作編修諱斗文今據此增

與潘料院書某頓首再拜上狀文叔案會稽續志潘時本金華人遷居上虞子二人友端友恭文叔當爲其兄弟行故篇中有息止金華遂成闊絕之語

答潘太博書某頓首再拜端叔提幹案會稽續志潘友端淳熙甲辰進士爲太學博士故稱太博提幹卽其差遣也端叔卽友端字

答潘宣幹書頓首再拜恭叔縣尉案會稽續志潘友恭爲江淮宣撫使司宣幹故稱宣幹縣尉乃其官也恭叔卽友恭字

與葉著作書某正月末始得往鮎埼留數日原本埼訛鯨案前漢書地理志會稽郡鄞縣有鮎埼亭今據改

卷六

上史越王書伏蒙太傅手賜鈞翰拊勞優寵教以書傳全帙案宋史藝文志史浩有尙書講義二十卷此所云書傳當卽此事

其二已授遂安令三年次案三年次謂需次須三年始授闕也詳見上象山陸先生書

其四某竊審中使驟至御札丁寧申命守臣致禮趨覲案宋史史浩傳除太傅致仕封魏國公光宗卽位

進太師。不言有復召之命。據此可補宋史之略。又不審扶持劍履。成命誰屬。或只太社實當之否。案宋史。浩子彌遠。紹熙二年爲太社令。

其五。道學不足用。則無道不學者。乃足用乎。原其始。特越中輕薄子立此名。自乙未歲流入太學。已而嚮布中外。案宋史。朱子提舉浙東常平。劾唐仲友。陳賈鄭丙。相與叶力攻道學。僞學之禁始此。事在淳熙九年。據此。云自乙未歲流入太學。乙未爲淳熙三年。當必有所指。而宋史失載。附識於此。

上象山陸先生書。某拜覆先生知軍監丞案。宋史陸九淵傳。除將作監丞。光宗卽位。差知荆門軍。應時諸書皆在此時。

其二。但及修城發銀事。似於情實有未相通者。案宋史。九淵以荆門爲郡。居江漢之間。而城池闕然。乃請於朝而城之。所云修城發銀。卽指此事。

卷七

上邱文定公書案。宋史。邱密諡忠定。應時爲密幕職。當得其實。集中稱文定。與史互異。今姑仍原本。

其十二。某惶恐拜覆判府制帥大學原本。帥訛師。今改大學二字。未詳。案宋史。密知成都。進煥章閣直學士。故前書稱閣學。大學卽閣學之訛。今姑仍原本。又若先生不果留中。來鎮東海。案宋史。邱密傳。密

以謝深甫論罷。居數年。復職。知慶元府。慶元卽今寧波府。故此書中有一臥十年。及來鎮東海等語。

其十三。豈惟留都大府。一正紀綱之舊。案宋史。邱密傳。寧宗時。以敷文閣學士。改知建康府。留都大府云。

云當指此。

答呂寺丞書其十三。至益昌見總領。因到武興。略觀邊頭人情。案宋史。楊輔時爲總領。居益昌。武興帥卽吳挺。邱密時遣應時覘挺疾。卽指此事。

其四。吳氏兄弟平平。部曲取能奴事者。僕嘗觀其軍。可無慮。張君卿且可撫輯也。案吳氏兄弟。指吳挺之子張君卿。卽張詔也。

其五。旣別二十日。遂聞詔石之命。案宋史呂祖儉傳。祖儉上書救趙汝愚。劾韓侂胄。安置韶州。以樓鑰等論救。行至廬陵。得旨。改送吉州。篇中所指。卽此事。

與項大卿書。再拜平父教授。案宋史。項安世。字平父。與應時同登淳熙二年進士。初召試。除祕書正字。遷校書郎。此稱教授。當是初以教授召試。除正字。而史失載之也。

其三分手無何。得兄池陽之報。案宋史。平父爲言者。劾去通判重慶府。未拜。坐學禁久廢。此篇詞意。當在此時。但池陽之報。尋復踳踳云云。池陽卽池州。考平父惟一知鄂州。未嘗知池州。或亦未拜而罷。宋史遂失書之也。

卷八

上張參政書。某州里晚出。知慕先進名德之重。案蕭山縣志。張孝伯傳。孝伯本歷陽人。寓居蕭山。因家焉。嘉泰四年。孝伯參知政事。應時與孝伯同郡。故云云。

與史同叔書其二再拜同叔太社案史彌遠字同叔時爲太社令

上少保吳都統書案宋史吳挺傳淳熙元年改興州都統十年加檢校少保紹熙四年以疾乞致仕詔加太尉此書題稱少保都統而書中稱太尉相公者或應時視挺疾途中上此書已聞加授太尉之命故書稱太尉而編集時仍係少保舊銜也

與史開叔書案史彌堅字開叔浩之子彌遠之弟也

與施監丞宿書且先推一名徐宗廣者抵替案施宿時爲餘姚令此二書皆爲餘姚義役一事集中有義役記不復自載其始於推徐宗廣餘姚志亦未詳此可補地志之闕

與邱機宜書此篇永樂大典原本題與邱侍郎書而書中稱機宜尊兄且有侍郎所賜手札等語則機宜當爲侍郎子姪行蓋應時初應密辟幕職時也今改題

與李侍郎孟傳書案會稽續志李孟傳字文授參知政事光之子由象山令遷太府丞考功郎中

卷九

遂安縣學兩祠記以廣漢張敬夫先生嘗守嚴陵原本敬作欽案張栻字敬夫此避翼祖諱也南渡後翼祖已祧不應避故栻以此爲字或時俗相沿不改故仍避敬爲欽今改

福昌院藏殿記案餘姚志福昌教寺唐長慶四年建宋祥符元年賜今額以是記考之福昌當爲院其始名永壽院及紹興後重建俱失載此可以補地志之闕

法性寺記。案餘姚志。法性院。後晉天福七年建。宋祥符元年賜今額。以是記考之。院當爲寺。且於建炎及淳熙後廢興俱失載。此可以補地志之闕。又蓋自淳熙之甲辰迄嘉泰之癸亥。原本嘉泰誤作泰定。案宋史。甲辰爲孝宗淳熙之十一年。癸亥爲寧宗嘉泰之三年。寧宗無泰定年號。今據宋史改。蘭風酒庫廳壁記。餘姚上虞之間有酒庫曰烏盆。後更之曰蘭風。其鄉名也。原本烏訛烏。案餘姚蘭風鄉有烏盆。係地名。今改。

餘姚縣義役記。淳熙六年春二月。臺臣有言。案宋史食貨志。義役始於乾道五年。處州松陽縣。自是所在推行。而此淳熙六年臺臣云云。以行之未久卽廢。故有此奏。此可以補宋史之闕。

南驛記。得浮屠智崇之屋一區。於縣南之圓智寺。案餘姚志。圓智寺。齊永明元年建。宋建炎初燬。紹興末重建。其改爲南驛始末。並南驛之名。會稽志續志及餘姚志俱失載。此可補地志之闕。客星橋記。起精舍曰客星菴。案會稽志。庵作堂。與此互異。

卷十

送陳濟叔序。原本脫叔字。案文內稱濟叔。今增。

余安世斬蠶傳。案余安世。蕭山人。會稽志續志及蕭山志俱失載。此可補地志之闕。跋司馬家藏薛紹彭臨寶章帖。魏泰則曾子宣丞相夫人之弟。有東軒筆錄行世。案魏泰云云以下十九字。上下文不相屬。當是帖中有魏泰跋語。故併及之。

跋傳給事諫吳應誠使三韓書案吳應誠宋史翟汝文傳作楊應誠與此互異。

疑孟說案應時有經史說數十條詳見司馬述序原本另編集後永樂大典內載此條首題孫應時經史說今以止此一條不復另編附入說類中。

李生名字說始予肄業於種山之陰原本種作鍾案鍾山在金陵應時未嘗至金陵考紹興府城內有種山以文種得名應時嘗授徒郡城故文內有歸如錢唐李生居旁邑百里云云當作種山爲是今改司馬氏七子字說曰速曰道曰述曰遂曰逢曰近曰迅原本速訛述據下文云速之爲言來也改。

卷十一

承議郎方公行狀諸軍之支則一百三十餘萬石案宋史兵志乾道三年兵籍三十二萬三千三百人而不載歲給軍支之數此可以補宋史之闕又安豐土豪孫立有義概嘗集鄉兵爲水寨案宋史兵志載建炎後鄉兵忠勇下注云關外西和階成鳳四州所聚民兵謂之忠勇而不載沿淮忠勇軍孫立名史亦失載此可以補宋史之闕又初和州有屯田五百頃以兵千五百人耕之案宋史食貨志淳熙六年罷和揚二州屯田紹熙元年知和州劉煒以剩田募民充萬拏手分耕而不載方有開在和州屯田事有開名史亦失載此可以補宋史之闕又少出入忠肅劉公之門案宋史劉琪諡忠肅乾道三年同知樞密院又某與公少同邑長同學校同年又姻家也案方有開新安人隆興元年進士此云與公少同邑及同年云云考應時餘姚人淳熙二年進士此篇當亦代人所作。

卷十二

宜人史氏墓誌銘。新臨江守餘姚李公。以書抵其鄉之同年友。案餘姚志。李友直。字叔益。史浩妻之以女。初登第。銓蕪湖簿。後判湖州。終知廣德軍。不載其爲臨江守。此可以補地志之闕。

戴夫人墓誌銘。隆興初。或薦諸朝。俾乘驛佐王權軍。未至軍敗。原本王訛黃。考宋史虞允文傳。王權措置淮西。權首棄廬州。樞臣葉義問督江淮軍。權又潛棄和州遁歸。今據宋史改。又和叔將以次年正月某日。卽所居之菊坡葬焉。和叔。衛師也。案此篇係代胡衛所作。集中有戴夫人壙記。云代於潛宰胡衛爲之銘。故此云爾。衛。胡沂之孫。崇禮之子。官至禮部侍郎。

莫府君壙記。逢國大慶。人爭傅會。稽籍以官其親。原本傅訛傳。稽訛計。案此篇云。其近族有爲天子從臣者。指莫叔光也。叔光。餘姚人。以會稽籍登第。官至吏部侍郎。宋時遇國大慶。得推恩其子弟。叔廣當爲叔光兄弟行。故云人爭傅會。稽籍以官其親也。今改。

宜人聞人氏壙記。趙公歷典四郡。以循良著。案餘姚志。趙師龍傳。歷知邵武。眞州。溫州。婺州。卒於官。戴夫人壙記。里人新邵武通守孫某。原本邵訛昭。案應時自常熟令秩滿。授邵武判。今據改。

卷十三

祭晦翁朱先生文。若乃丹陽之改爵。實載定陵之長編。案朱子答應時書云。子游之封。在唐爲吳侯。在政和爲丹陽公。而淳熙所頒祀禮。乃爲吳公。蓋十字皆因唐之舊。自侯而公。然不知何時所加云云。蓋應

時未答而朱子沒。故祭文並及此事。

祭張參政文。我宰秦川。公使過吳。采之道路。歸騰薦書。案應時爲常熟令秩滿。爲郡將所摺摭。而此云采之道路。及下云公爲法從力救。不可云云。則應時在常熟時。已爲張伯孝所論薦。及被論。復營救之。而會稽續志及楊簡壙記。俱失載。

祭胡達材文。按達材。胡沂之子。崇禮之兄也。

祭興元吳侯文。此篇係代邱審祭吳挺所作。

祭表姪莫幼明秀才文。吾邑前大夫常侯。世爲名家。案餘姚志。常褚。慶元五年。爲餘姚令。

卷十四

四明山記遊八十韻。爾來臥燭湖。清夢長夷猶。原本燭訛竹。考應時居燭溪湖。故自號燭湖居士。今改。

又試履清賢嶺。弭蓋白水湫。原本賢訛煙。案四明山志。嶺曰清賢。以謝安石。許元度。支道林往來。故得名。今改。又白水山。有瀑布如懸河。名潺湲洞。亦見四明志。又或者戲狻猊。或者鬪貔貅。案四明山志。

作或戲若狻猊。或鬪若貔貅。與此互異。又荒蹊夾桃李。密蔭間梧楸。四明山志。間作開。與此互異。

又是中可避世。何勞更乘桴。案乘桴之桴。亦有浮音。易林。水深無桴。蹇難何游。此係叶韻。又掛壁見

猱捷。食芩聞鹿呦。原本捷訛雜。據四明山志改。又老僧頗好事。幅畫肯見投。案四明山志。幅畫作名

德。與此互異。

德。與此互異。

送張敬夫。荊州形勝地。控引吁廣莫。案宋史張栻傳。除祕閣修撰。荆湖北路轉運使。改知江陵府。安撫本路。此篇云云。當在栻出知江陵時也。

如寧菴。蹉跎今白髮。寒暑厭相寇。原本寇訛冠。陸游詩。坐恐陰陽寇。卽此意。今依韻改。

端午侍母氏飲。有懷二兄。楊梅應正熟。筆筍堪自煮。原本筆訛圭。案會稽續志。筍。越竹。越中俱有。而剡爲多。又梅聖俞詩。侵天筍竹溪西東。今據改。又會當誓邱墓。畏山如畏虎。原本墓訛壑。據王羲之誓墓文改。

卷十五

澗壁阻風。致意孫興公。尋君遂初賦。原本孫訛吳。據孫綽賦改。

和劉師文飲城西見懷。遙追七賢社。不負千鍾祿。原本祿訛祿。案下重答一首韻。當作祿。千鍾祿。猶言杯中祿也。今改。

入劍門和少陵韻。殺人古如麻。俛仰有餘愴。案杜甫入劍門詩。愴字在第五韻。此押在第七韻。與原韻互異。

石櫃閣和少陵韻。案此首係石櫃閣杜甫韻。原本脫去石櫃閣三字。今增。

道傍水行可愛。鷄犬在籬落。沙水暮光映。原本映訛烟。今依韻改。

斗南竹林祠歌。案宋史寇準傳。準卒於海康。詔許歸葬。道出荆南。公安縣邑人。迎祭於道。斲竹插地。以掛

紙錢竹遂不根而生滋茂殆一畝邑人神之立廟於側此篇詠竹林祠卽準廟也

卷十六

杜子貞遠訪以二詩送之松楸今十世竹帛故三公案子貞山陰人杜祁公衍之後也故有十世三公之語

挽吳給事芾案宋史吳芾紹興中進士歷官給事中終禮部侍郎龍圖閣直學士此作挽詞不應仍稱爲給事與正史先後不合

其二兩朝高獻納六郡凜威名案史稱芾前後守六郡故有此句原本六訛五今據史改

其三里社湖山勝歸休十四年史稱芾退閒十四年自號湖山居士厲鶚宋詩紀事載芾有湖山集

挽王季海丞相案宋史王淮字季海金華人淳熙四年參知政事至十五年罷左丞相除觀文殿判衢州故詩有十年深注倚及分陝初聊爾之句

挽李資政原本資訛致今改

挽潘德夫左司案會稽續志潘畸字德鄜上虞人官左司郎官集內鄜俱作夫與會稽續志互異

挽趙子固左司案趙子固名鞏周必大平園續稿有與隆興帥趙子固鞏啓蓋孝宗時人非宋末之趙孟堅也

挽趙泰州母劉夫人原本泰作秦案下有挽趙泰州詩云五馬催三駕此詩云榮養指三州當卽一人宋

南渡後有秦州無秦州今改。

答陳子序庠見貽其三直節豫章後高名唯室孫案陳長方字齊之號唯室吳郡人紹興戊午進士子序乃其孫也。

挽王知復書監其二飛橋壯吾邑虹影麗高深案王知復名速應時同邑人隆興元年進士會稽志德惠橋在餘姚縣舊曰虹橋淳熙戊戌王司業速捐已帑新之故有此語。

卷十七

挽莫子晉丈其三上林烟草綠千里倍傷神案上林餘姚縣鄉名莫子晉蓋居此故云非用上林苑故事也。

益昌僧靜境軒此詩永樂大典失載今從吳禮部詩話採入。

武擔山其二秋光搖落日野色亂寒雲心事長千載腰圍更幾分此詩載吳禮部詩話亂作盪千載作千里與此互異。

武擔西臺和師文作文案此詩永樂大典題作和師文作吳禮部詩話題作武擔西臺今以詩意考之當是武擔西臺和師文作文師文劉師文也益州人與應時同在邱密幕今改。

新灘見桃杏書事案此詩永樂大典失載今從吳禮部詩話採入。

挽汪充之給事母程夫人蘋蘩祇祀事粉堊媚看羞原本堊訛據禮記內則堊荳粉榆改。

卷十八

登仙木。此詩永樂大典失載。今從毛永貞石田山房詩。姚江逸詩內採入。

卷十九

和甄雲卿詩。其二。誰貪上黨誤長平。案應時卒於開禧二年甲戌。是年五月。下詔伐金。此詩當爲韓侂胄開邊釁而作。故有上黨長平之喻。蓋豫知其將敗也。

送別袁公四詩。其二。露門勸學首羣公。案北周書武帝紀。武成二年。改作露門。熊安生傳。拜露門學博士。又劉臻爲露門學士。附識於此。

西湖詩。溪橋無處尋君復。詩帳令人憶大蘇。原本。復訛後。今改。

卷二十

讀通鑑雜興。案咏嚴光陳實二詩。見王應麟困學紀聞。云朱子謂二絕甚佳。又案。讀原本訛續。據困學紀聞改。

附編

孫介詩。幼子獨留官舍。原本。幼訛尉。今改。

孫應求詩。仲弟應符生日。阿連誕世在茲辰。月吐三更恰半春。原本。阿訛何。案詩蓋以謝惠連比應符也。

今據文改。

省齋集 宋鑒行之撰

卷二

同伯潛諸公聯騎出城東。次衫字韻。晴光忽散湘江上。秋色疑連夢澤南。原本忽訛思。今改。
書懷。試問虛名空北斗。何如循養樂南陔。原本北斗二字互倒。今改。

卷三

挽武宣教後其二。手取科名如拾芥。眼高富貴等浮雲。原本拾訛北。今改。

雨中惜海棠花。其四。費盡胭脂畫不妍。春心一縷褪脣嫣。原本脣訛辱。今改。

卷七

賀沅靖倅元正啓。雞符桃梗。以餞餘寒。椒酒辛盤。爰興嗣歲。原本辛訛華。今改。

到任謝湖北汪憲啓。起諸生而綴仕版。敢云稽古之功。得三釜以奉親闈。竊懷奉檄之喜。原本檄訛譏。今改。

橘山四六 宋李廷忠撰 明孫雲翼注

卷一

通錢簽判啓。從容嘯諾。注。南陽太守岑公孝。刊本。岑訛成。據後漢書改。

卷二

謝揚州范給事啓。堂下片言。邂逅相契。注。穢蔑惡。欲觀叔向。刊本。叔向訛子產。據左傳改。
回黃州陳知府啓。望寶隣之國。注。親仁善隣。國之寶也。刊本。仁訛賢。據左傳改。

賀韓尚書啓。居北斗喉舌之司。注。出納王命。王之喉舌。刊本。出納王命。訛維仲山甫。據毛詩改。
賀俞大監除中書舍人啓。軒軒獨步。注。惟會稽王來。軒軒然如朝霞舉。刊本。霞訛遐。據世說改。

卷四

賀程待制啓。輝輝百鍊之剛。注。百鍊。青犢。漏景。吳大帝三寶刀也。按吳大唐類函引崔豹古今注。作漢文。
賀淮東梁總領啓。注。鎮江諸軍錢糧。隸淮東總領。建康諸軍錢糧。隸淮西總領。刊本。脫建康至總領十一
字。據文獻通考增。又幣帛阜通。注。貨寶於金。利於刀。刊本。寶訛食。刀訛刃。並據漢書改。

卷五

賀嚴宗卿啓。尋曲臺之故步。注。王彥威始爲曲臺新禮。刊本。威訛盛。據唐書改。

被召謝五府啓。秦并六國。易置於守牧。注。秦削罷列侯。爲三十六郡。刊本。脫三字。據文獻通考增。

卷三

與余方叔書顛沛必於是刊本於訛如今改。

卷十五

戊寅老人生日人間可慕是榮華刊本脫是字今增。

鶴山集 宋魏了翁撰

卷十五

奏論故軍器監主簿游仲鴻而文致之詞刊本致訛敢據前漢書改。

卷十六

貼黃六曰復臺諫舊典以公黜陟刊本脫公字據宋史增。

卷十九

除授禮部尙書第一劄忠忱謹實者刊本忠下衍臣字今刪。

卷四十四

眉州江鄉館記眉爲西南孔道原本孔訛空今改。

卷六十三

跋尤氏遂初堂藏書目錄序後。是穠是菱。刊本。菱訛耘。據左傳改。

卷八十九

敷文閣直學士吳公行狀。統領孟宗政。董世雄。刊本。董訛咎。據宋史改。

卷九十九

設文昌醮啓壇詞。仰瞻九列之崇。刊本。列訛則。據漢書改。

卷一百七

冪人掌共巾冪注。惟言共巾可以覆物。刊本。覆訛賈。據周禮注疏改。

卷一百八

鄭康成未有音切條。杜預傳注泥。音如甯。刊本。甯訛密。案左傳盟于甯母。注云。高平方與縣東。有泥母亭。

音如甯。今據改。

卷一百九

古禮體條。籩豆大房。刊本。房訛旁。據毛詩改。

西山文集 宋真德秀撰

卷一

魚計亭後賦。迺味筭而蒙鼠。刊本。鼠訛衆。據賦彙改。

卷二十

知潼川府劉甲。乞退不允詔。刊本。川訛州。據宋史改。

卷三十三

劉誠伯字說。叔孫豎牛之兆。刊本。豎訛堅。今改。

卷四十八

太夫人誕辰設醮。每丹衷之惕若。屬新元之肇始。刊本。復衍若字。今刪。

東山詩集 宋葛紹體撰

卷上

分水嶺。平波翼叢篠。荒邱帶深隧。原本。隧訛遂。今改。

袁從道山廬。其三。峻領帶薄髭。瘦骨撐疏眉。原本。領訛嶺。今改。

遊本覺寺。清磬遞風韻。曉霜翻露姿。原本。清訛琴。今改。

道旁酒家。門當海嶠開。籬脚破新苔。原本。嶠訛橋。今改。

浸碧亭。月夜。粟綴嫩黃懷老圃。酒菊新綠見虛亭。原本。綴訛啜。今改。

水陸寺。林鳥忽鳴。疑悟道。石磯危坐似逃禪。原本悟訛悞。今改。

鶴林集 宋吳泳撰

卷十

皇叔祖多識。贈開府儀同三司。制生則累茵列鼎。以疏榮。歿則綬印蜜章而廣孝。原本蜜作密。案蜜章。見晉書。山濤等傳。言不刻印而以蠟爲之也。今據改。

鄭性之父汝永。贈太子太師。制菜與階齊。卒兆龍頭之選。木臨匣口。竟占樞字之祥。原本菜訛萊。案東齋遺事。真宗臨軒策士。夜夢殿下有一菜苗甚盛。與殿基相高。及拆第一卷。乃蔡齊也。文義用此事。今據改。

卷十一

兩佐神封翼惠公助順公制。河神請纓。而楚國之師燿。山鬼返壁。而祖龍之魄喪。原本燿訛潛。據左傳改。

卷十七

論郡縣人心疏。唐中世之變。非涇原戍卒也。原本原訛源。案舊唐書藩鎮傳。作原。今據改。

卷十八

論蜀事劄子。鳳州江寧節度使劉光儀出歸峽。案儀。五代史作义。又今年戰於和尚原。明年戰於饒風關。

原本關訛嶺據宋史改。

卷二十六

謝范漕舉啓指隣家而乞火。曾荷言揚。就神鼎以鑄金。端蒙筮造。原本筮訛花。今改。

卷三十二

上曹太傅書。惟永嘉陳氏之學。則得於薛公持正。原本持訛寺。今改。

卷三十二

蜀帥與夏人夾攻金人策問。或請將湟中義。從以討羌。原本湟訛隍。據漢書改。

漁墅類稿 宋陳元晉撰

卷二

通雩都徐宰啓。嗚子賤之琴。剡先聲而起敬。祭孫寶之竈。徼後福以知歸。原本寶訛室。據漢書改。

卷三

回程虎卿勞還啓。以劉蕢而未第。我輩何顏。如雍齒而且侯。吾屬奚患。刊本蕢訛蕢。今改。

卷八

七月初十夜對月呈留粹中。孤館無人同夜月。長年作客又秋風。原本作訛如。今改。

紀遊再用前韻。要知酒興并詩料。不在山巔卽水涯。原本并訛拜。今改。

韶石使君年丈扁舟過我於松桂林。敬哦小詩常懷李白詩無敵。莫怪韋郎跡也疏。原本常訛韋。今改。

滄洲塵缶編 宋程公許撰

卷二

擬九頌朝陽閣於微閭兮發軔。景未仄兮帝宮。原本於微二字互倒。據屈原遠遊篇。夕始臨乎於微閭。註。卽醫無閭也改。

貧窗集 宋陳耆卿撰

卷四

處州平政橋記。郡廳翔於天禧。原本禧訛喜。今改。

卷五

代通王舍人書。食於魚稻之鄉者。賤螺蛤輕魴鯉。而至於淮白吳鱸。巴蜀之蹲鴟。獨垂涎焉。原本鱸訛繪。今改。

方壺存稿 宋汪莘撰

卷一

放歌行揚雄但能識奇字。原本字訛事。據漢書改。

卷二

黃山高夔鼓隱隱兮管啾啾。原本夔訛獲。據釋史改。

卷四

水龍吟。原本脫吟字。據詞譜增。

玉樓春詞。心共白蘋香不斷。原本脫香字。據詞綜增。

鐵菴集 宋方大琮撰

卷四

進故事條。晉之弱。不足敵秦之強。原本脫秦字。據下文增。

卷九

謝教條。細雨簷花。共說慈恩之舊夢。原本脫雨字。據杜工部集增。

卷二十五

樂律條制是器者。則京房、荀勗等也。原本勗訛勉。據晉書改。

懼軒集 宋王邁撰

卷二

丙申九月封事。案此篇陳奏。與本傳所載互異。應有脫誤。

卷四

文章論濟北王興居。與平勃之徒。共平諸呂。以封爵不如意。而謀作亂。原本作濟國王章。案漢書諸侯王表。無濟國封號。朱虛侯章亦無作亂事。應是濟北王興居。今據改。

卷八

上袁建寧兼漕啓。慈湖作之師。絜齋爲之父。原本絜訛挈。案袁甫父燮。號絜齋。今改。

卷九

代上廣東楊漕啓。投機之會。間不容髮。露穎而脫。輒欲效毛。原本脫訛先。據史記改。

卷十

蚊賦。或被人以瘡瘡兮。如長慶三楊之流。原本楊訛陽。今改。

卷十一

諸門生祭真大參西山先生文。僞者獻誠。慢者致恭。人謂先生爲程淳公。原本淳公訛純公。據宋史本傳改。

其二六經無師兮。宇宙無人。惟有珠林之麓兮。長餘春木之芑。原本芑訛窳。案揚子法言。春木之芑兮。援我子之鶉兮。今據改。

卷十三

梅花吟。孤根忍死受寒凍。須作百花頭上魁。原本百訛桃。據王曾咏梅詩改。

卷十五

嘲解。權爲苦語攻姦蔡。銓作危言忤老秦。原本銓訛詮。案宋史。胡銓以言事忤秦檜。今據改。又西山夫子深窮理。能以逢干作保身。原本西山訛西塘。案邁爲真德秀弟子。德秀無西塘別字。今據改。

敝帚稿略 宋包恢撰

卷一

奏平荻浦寇劄子。案宋史包恢本傳。即日除直顯文閣。浙西提點刑獄。是時海寇爲亂。恢單車就道。渡澨浦。分屯逢砦。一日集諸軍討平之。賊首與諸將姓氏俱不之載。是奏足補宋史所未備。

卷七

吳九萬字說。其有飛而上者。亦僅如鷄之棲於樹端。鶯之遷于喬木而已。案以伐木丁丁。鳥鳴嚶嚶一詩。相沿成習。致成鶯遷之誤。如李綽尙書故實。王櫛野客叢書。論之詳矣。然其源始于梁昭明太子。啼鶯出谷。爭傳求友之聲。唐人諸詩。沿之而誤。蓋猶以爲鶯也。原本作鸚。則因鶯而又誤。今改。

四庫全書考證卷八十四

集部

冷然齋集

後村集

瓊琯集

彝齋文編

張氏拙軒集

靈巖集

棣埜集

秋崖集

字溪集

雪坡集

文信國集杜詩

疊山集

須溪集

葦航漫遊稿

四明文獻集

閩風集

蛟峯文集

秋聲集

廬山集

英溪集

真山民集

百正集

吾汶稿

紫巖詩選

心泉學詩稿

冷然齋集 宋蘇洞撰

卷一

晨起長哦後山秋懷十詩。曲逆有餓死。英布刑而王。考漢書。陳平封曲逆侯。而餓死乃周亞夫事。詳其文義。似屬誤用。

看雨幽心契子綦。隱几若忘言。原本綦訛恭。據莊子改。

走筆次韻芻父喜雨。其三。一雨水入床。蛙部連東西。原本蛙部訛珪剖。據南齊書改。

再和陶韻。其一。屬予剛制酒。空杯與誰傾。原本制訛傾。據尚書改。

卷二

老杜浣花谿圖引。拾遺流落錦官城。故人作尹眼爲青。案此詩又載黃山谷集中。今姑仍永樂大典本書懷。恭惟元祐全盛時。左右明王非列辟。案非列辟。猶言非列辟乎。宋人多如此省文。歇後。其源出於杜甫。鳳雛無凡毛。五色非爾曹句。又爾時吾祖亦遭逢。曾與坡范同入直。案坡范乃指范祖禹。元祐中爲翰林學士。蘇洞爲蘇頌之孫。頌嘗與祖禹同官。故有此語。其下文石羊去作高資夢句。蓋頌葬地在高資港。集中又有過高資拜大父墓詩。皆可參考。

送孟信州去矣行。男兒四十作太守。路人指點生光輝。原本點訛默。今改。

卷三

有歎其一。山棱人踏滅。灘石浪搓圓。原本。搓訛榼。今改。

陪制帥寶學侍郎飲別金陵諸勝地。夜氣輕杯力。霜棱迫妓圍。原本。棱訛陵。妓訛技。考唐申王苦寒。令宮女密圍而坐。曰妓圍。今據改。

次韻芻父秋懷。其三。世事翻成覆。人情燠易寒。原本。翻訛翻。據杜詩改。

次知縣兄曹娥渡句。撫穉頭空白。逢人眼未青。原本。眼訛恨。今改。

寄常山晉叟兄。當日王猷興。真成訪戴回。原本。猷訛獻。今改。

感舊。去有身將影。歸無父惜兒。原本。父訛文。今改。

卷四

百家泊。篷背瀟湘雨。溪南欵乃聲。原本。欵訛刻。今改。

峽險崩石驚船過。盤渦逼棹移。原本。渦訛窩。據郭璞江賦改。

題蠟屐金貂二亭。一生須幾兩。萬事付三杯。原本。幾訛五。據世說改。

八月十二日再入都。鄒陽仍是客。李廣不封侯。原本。陽訛楊。據漢書改。

過高資丞相墓。先祖當元祐。誠心相哲宗。原本。元訛天。案元祐爲宋哲宗年號。今據改。

卷五

春去秧田水滿聞姑惡。樹葉陰濃叫姊歸。原本惡訛怨。今改。
太息時情何限刀邊蜜。歲晚偏多葉上霜。原本蜜訛察。據唐書李林甫傳改。
團扇風高碧落無窮雁。日暮青山欲斷蟬。原本斷訛繼。今改。

卷六

端午日宮宴其二。一樣薰風分五色。蜀葵林畔按涼州。原本涼訛京。今改。

次韻頽叟弟耕堂雜興其一。青箬笠邊無不可。黃金帶後欲如何。原本箬訛若。今改。

金陵雜興其十九。去年夜半草軍書。今歲平安一事無。原本軍訛車。今改。

其四十九。摩挲拄杖君隨我。遮莫松間喝道來。原本遮訛輒。今改。

其六十八。臨春何在只桑麻。法寶叢篁間杏花。原本春訛秦。今改。

其八十。城西二里楚金陵。吳帝名爲石首城。案石頭城古無稱石首城者。此詩蓋因平仄而改。似未妥穩。

其一百二十四。安得山楹周四者。肯來相伴此吟哦。案山楹周四蓋蘇洞之友。周姓行四而號山楹者。薛

師董題金陵雜興詩後有方泉周四半生癡句。蓋卽此人。而其名已佚。今無可考矣。

其一百四十三。周顥宅作阿蘭若。婁約身歸窳堵波。原本阿訛河。今改。

其一百七十四。秋千拆罷無聊賴。軒檻周遭綠一般。原本般訛船。據韻改。

卷七

龍瑞宮。其二。重來洞府青春晚。一樹桃花犬吠人。原本缺花字。據李白詩。犬吠水聲中。桃花帶雨濃。補。琴臺。尚有茂陵多病後。眼前相對卓文君。原本茂訛武。今改。

題千秋館。不見風流賀季真。酒船回棹莫逡巡。原本季訛子。今改。

姑蘇臺。姑蘇門外連宵泊。愁聽寒山半夜鐘。原本山訛江。今改。

釣魚。一色藕花三十丈。明年歸住鑑湖頭。原本鑑訛江。案蘇洞本屬越人。既云歸住。不當泛言江湖。今改。效張文潛雪體。半夜樵歸逢說虎。隔溪罾罷約留燈。原本罾訛曾。今改。

卷八

次韻九兄秋吟。其四。橙香夢澤團臍蟹。尊老吳江巨口鱸。原本橙訛根。今改。

耕堂弟婦生日。鶯鶯解作嬌娥唱。窗外垂楊是小蠻。原本蠻訛鬟。據白樂天詩改。

來禽詩。粲粲來禽已著花。芳根誰徙向天涯。好尋青李相遮映。風味應同逸少家。案此詩廣羣芳譜引之。題作劉子翬作。今永樂大典又載入蘇集。未知孰是。

後村集 宋劉克莊撰

卷一

歸至武陽渡作。篷底歸人要認家。原本底訛斷。據宋詩鈔改。

卷三

葵溪巖注。陳聘君隱處。原本脫陳聘君隱處五字。據姚廷謙本增。

卷四

七月二十日自瀑上先歸。驅還始悟山靈意。怕向蒼崖寫惡詩。原本靈訛林。據姚本改。

卷六

湘南江西道中。相隨客子到豐城。原本隨訛逢。據姚本改。

卷七

贈陳起鍊句。豈非林處士。鬻書莫是穆參軍。原本穆訛鮑。據姚本改。

卷八

永嘉黃九萬見訪。靈舒如見問。今作灌園翁。原本作訛在。據姚本改。

和趙南塘離支。借問驛馳丞相府。何如輦致道山堂。原本山訛士。據姚本改。

卷十

送趙信州遙知陌上羅敷女。競看雙旌出勸耕。原本競訛驚。據姚本改。

卷十三

次王實之家塾韻。新敞朱薨映碧岑。原本薨訛門。據姚本改。

卷十六

和鍾子鴻春梁禮數呼兒具覆醬文章怕客看原本醬訛帳據姚本改。

卷十九

鷓鴣天腹疾困睡居人不識庚桑楚原本庚訛更據莊子改。

卷三十一

跋樂平吳桑書說昔桓榮以首致身師傅原本桓訛耿據漢書改。

瓊瑄集 宋葛長庚撰

卷二

少年行落筆鬼神哭刊本筆訛葉今改。

卷三

仙岩金仙闕夜半寒風攪宿鴉刊本鴉訛鷗據韻改。

卷六

快活歌精水神火與意土煉使魂魄歸其根刊本脫水字案尹真人性命圭旨云精水神火皆聚于意土之中今據增。

卷九

棘隱記。藪蕪可以炊。刊本。蕪訛藪。據山海經改。

彞齋文編 宋趙孟堅撰

卷一

萬壽寺避暑讀書。展書相對讀。佳處擊節猛。原本。擊訛極。又。過從奚厭密。交通久彌敬。原本。交訛及。今並改。

乙未春初解漕幕兼職。訪秋壑西湖。得柳字。經年希會面。感嘆兩執手。原本。手訛事。據韻改。

卷二

山行晚歸。前去多林莽。新傳有虎狼。原本。莽訛浪。今改。

不寐。頻聞乾葉下。空砌。遙認征鴻唳。遠天。原本。頻訛乾。今改。

招石希孟朝飯。伺餽金鱗。渾可狎。低飛翠羽。不生猜。原本。低訛位。今改。

寓言寥落丹青秋。後扇。縱橫黑白局。中碁。原本。碁訛基。今改。

謝送牡丹。官舍無花甌。有塵。縱將畫展。不如真。原本。舍訛令。今改。

卷三

謝泉使賈秋壑先生京狀。視富貴如浮雲。惟崇勳績。拔才猷於脫穎。共赴功名。原本功名訛明堂。今改。

卷四

謝李計使寶文先生檄入幕啓。雖貪器使之榮。抑懷綆短之慮。原本脫使字。今增。

張氏拙軒集 宋張侃撰

卷一

清寒。初如蘆菖飄。終似白練馳。原本。菖訛菑。今改。

歲時書事。連年田有秋。墻東添石磴。案磴字。唐韻。集韻。俱訓五對切。並未有屬二十一箇韻者。惟考揚子

太元經有云。陰陽相磴。物咸雕離。注。磴。音磨。此篇用韻。實本於此。

卷三

黃龍洞善權知不遠。雙鶴舞胎仙。原本。鶴訛雁。據黃庭經改。

雨。柳凋聞搏黍。水淨見春鋤。案搏黍。係黃鸞名。本從專。音團。今此詩作仄音用。誤。

新晴披披雲陣從東去。薄薄晨光向北開。原本。東訛來。今改。

池邊勞神空覓三年艾。妄想休乘八月槎。原本。八訛七。今改。

偶書事業從教下瀧舫。一年竊祿在江泉。案瀧字有三讀。一慮紅切。音籠。說文。兩瀧瀧貌。及楊子方言。瀧

涿謂之霑。是也。一所江切。音雙。水名。見水經注。又州名。見廣輿記。一廬。貢切。音弄。瀧凍。濕也。見集韻。今此云下瀧。則是瀧中之瀧。宜平聲。而作仄聲。當係一時用字之誤。

同鄉人別朱希文。察判于永春亭。蠶方三幼。餐乾葉。燕喜雙飛。泊短楹。原本三訛一案。陸游詩。婢喜蠶三幼。自注。鄉人以蠶三眠爲三幼。今據改。

卷四

春去明朝春去忙如箭。滿市人攜謝豹鰕。原本謝訛社。案老學庵筆記。吳人謂杜宇爲謝豹。杜宇初鳴時。漁人得鰕曰謝豹鰕。市中賣筍曰謝豹筍。今據改。

卷五

上譙大卿書。韓退之作師說。柳子厚一見其說。詆冒慢罵。案柳州答韋中立書云。雪與日豈有過哉。顧吠者犬耳。何嘗詆毀昌黎。此篇誣子厚太甚。持論殊未平允。

跋揀詞。唐元稹則以仲尼文王操。伯牙水仙操。齊牧犢雉朝飛。衛女思歸引。爲樂府之始。原本牧犢作牘。沐據琴操改。又桂有兩種。陳去非參政清平樂詞云。楚人未識孤妍。離騷遺恨千年。原本參政作參議。考宋官制無參議名。史載紹興七年。以去非參知政事。今據改。

靈巖集 宋唐士恥撰

卷二

擬荆南路宣撫使平儂智高露布。女側陸梁。卒致漢師之討。盧循猖獗。難逃晉室之誅。原本側訛廁。據後漢書改。

卷三

江南西路提點刑獄論所部檄。維蚩尤之啓兆。衆械始基。若子產之立言。五材並用。原本五訛天。據左傳改。

卷四

濡須塢記。朱桓僅以五千之衆。而獨能走曹仁。原本曹仁訛曹參。今改。

卷六

黃帝陶正箴。疏佗之紀。黃序題期。原本佗訛紇。今改。

樸菴集 宋徐元杰撰

卷一

經筵講義。案此下十條。進講論語。皆推明朱子集傳之語。據宋史本傳。稱元杰師朱子門人陳文蔚。又師事真德秀。故其所說。皆師門承受之言。

卷八

白左揆論時事書。湯巾明朱氏之學。黃濤奏穎川之最。原本巾訛中。案湯巾字仲能。安仁人。官制幹。見游宦紀聞。紹定癸巳。曾主白鹿教席。今據改。

回張憲幹啓。瑞雲五朵。猥蒙珍翰之頒。大厦萬間。行侈歡顏之庇。原本萬訛高。今改。

卷九

賀湖北岳漕除帥啓。屬陝以東。陝以西。寄欲分於周召。謂洛之南。洛之北。效已試於石溫。原本召訛名。今改。又前茅後勁。願承晏御之驅馳。小桷大宗。尙藉郢斤之斲削。原本桷訛桶。據昌黎集改。

上荆湖陳制帥啓。願韓荊州之識。在謫仙而亦然。上于襄陽之書。以昌黎而猶爾。原本韓訛韓。今改。

秋崖集 宋方岳撰

卷四

木瓜塢。但得相尋雙脚健。不須論報計瓊琚。原本琚訛瑤。據韻改。

卷九

宿芙蓉驛。俯仰十年如夢耳。舊題剝落已塵埃。原本夢訛春。今改。

卷十六

滿庭芳。原本。庭訛天。據詞律改。

卷三十四

繭窩上梁文。吾有大患。何爲造物之贅疣。原本。疣訛龐。據莊子改。

字溪集 宋陽枋撰

卷一

上魏鶴山了翁論時政書。案魏鶴山了翁講學於白鶴山。故號鶴山。原本。山訛仙。今改。

卷四

辭平舟聘禮書。啓緘伏讀。知君子用泰。不遐遺而錄小善。原本。遐訛選。今改。

卷六

通紹慶守劄。時方荒邵圃之瓜。地難種陶籬之菊。原本。邵訛郡。今改。

卷七

圖說。月受日光圖引參同契云。七八道已訖。屈折低下降。案參同契。一本無此二語。又東北喪其明。一本作東方表其明。下又有節晝相禪與。繼體復生龍。壬癸配甲乙。乾坤括括始終。四句。

天高地廣。土圭測景。緯書括地象云。極之廣長。皆二百三萬餘里。南北二百三萬一千五百里。東西二百

三萬一十里。廣雅云：自地至天，一百一萬餘里。周天三百六十五度四分度之一，爲一百七萬餘里。徑三十五萬餘里。案太平御覽載桓譚新論：天圓廣南北三億三千五百里七十五步，東西短四步。案禮內則：降德于兆民，疏算法億之數，有大小二法。小數以十爲等，大數以萬爲等。萬至萬是萬萬爲億也。據此，則二億者二百萬也。其南北之數亦較括地象增二千里七十五步，東西亦增五百里七十一步。與此所引廣雅合。又案爾雅疏引考靈耀云：周天十萬一千里，與此所引括地象廣雅互異。又太平御覽載張衡靈憲曰：天有九位，自地至天一億一萬六千二百五十里，與此互異。

卷八

策問其二：饒風散關，敵騎翕忽。原本：風訛鳳。又必欲效大儀之進擊，則衆寡有不敵之憂。案韓世忠大敗金人于大儀。原本：儀訛機，並據宋史改。

其三：鯁亮宏遠，僅稱勉石。案李勉、李石俱唐宗室。原本：石訛右。據唐書改。

卷十

用昌黎賦鳴雁韻：俛仰塵世應無他。原本：他訛地。據昌黎集改。

卷十一

賀李萬州守夔：濫吹叢中情懶散，彈冠鏡裏髮爬髻。原本：吹訛次。據韓非子改。
贇趙廣安：萬家吟賞知微月，千里依棲刺史天。原本：知訛和。據三水小牘改。

雪坡集 宋姚勉撰

卷一

丙辰封事。則臣蔡抗。又已去國。原本抗訛杭。據宋史改。又士有利祿。原本有訛於。據下文改。

卷七

癸丑廷對策。則不過爲終南捷徑之求。原本過訛遇。又仁祖雖以是黜仲淹。原本黜訛黜。今並改。

卷二十

送李幼章占鵠。日日旦及晡。原本晡訛補。今改。

卷二十一

姑惡詩。猶訴姑惡無停時。原本訴訛許。今改。

卷三十二

答許司門書。更望益加培植。原本益訛蓋。今改。

卷三十四

辛居安水閣記。清樂顧可量哉。原本顧訛願。今改。

卷三十七

毛霆甫詩集序。其有所興矣。原本脫有字。今增。

卷三十八

草堂詩稿序。景定元年。原本脫定字。據宋史增。

卷四十一

書邵堯夫真蹟後。出邵子觀物篇。原本脫觀字。據皇極經世書增。

卷四十六

太平興國寺再建淨土院接待榜。唐時三藏元奘師。原本奘訛照。據唐書改。

文信國集杜詩 宋文天祥撰

祥興南嶽配朱鳥。刊本嶽訛北。據杜集改。

南鄴州督江閣臨石面。注簡嚴雲安。刊本脫安字。據杜集增。

過章貢故里但空存。案存杜集作村。

懷舊故鄉不可思。注赤谷。刊本赤谷訛亦思。據杜集改。

疊山集 宋謝枋得撰

卷二

上丞相留忠齋書刊本留訛劉案忠齋係留夢炎之號今據改。

須溪集 宋劉辰翁撰

卷三

南康軍昭忠寺記會公之子鎬脫衰入燕以書來求記案通鑑江萬里子鎬與父同死於止水此云鎬以書來求記豈鎬未與父同死耶且脫衰入燕云云豈鎬父死後竄於燕耶與通鑑不合更俟參考。

卷九

掃花遊案掃花遊又名掃地花掃地遊調俱九十五字原本訛作掃花邊據詞律改。

憶江南原本訛梧桐子據詞律改。

內家嬌原本家訛多據詞律改。

百字令原本訛作赤壁詞據詞律改。

葦航漫遊稿 宋胡仲弓撰

卷一

感古其十。杜康精酒法。陸羽修茶經。原本。康訛安。今改。

歲饑郡行賑卹。過餘杭呈辛縣尹。天目發深秀。餘不流清妍。原本。秀訛修。今改。

夜聞琵琶韻如寒泉清。且冽安得曹綱同一撥。原本。綱訛保。案曹保不善琵琶。曹保之孫綱。乃善琵琶。樂

府雜錄云。曹綱善運撥。裴興妓善摧撚。今據高齋詩話改。

卷二

寄西澗葉侍郎。形役猶甘分。腸枯費苦吟。原本。形訛刑。今改。

將樂縣詩。案此詩四支五微八齊三韻參用。律詩無此體。

卷三

次秀野使君見寄。鈴閣祇今增璽綬。路車何日飾鈎膺。原本。膺訛鷹。今改。

旱湖。但得孤山梅不死。其他風物弗關情。案亢旱奇災。人所共惻。末二句。乃藉以自鳴。不預世事之高。殊

爲害理。揆之杜老情懷。相去萬里矣。

上元觀燈。他年同侍傳柑宴。記取樓前擲果時。原本。柑訛甘。今據東坡集改。

答願齋詩筒走寄。詰朝紫翠欄邊約。喜有溪毛可絮羹。原本。絮訛歲。據禮記改。

次雪舟進退韻。案此詩以豪歌二韻參用。故以進退韻標題。卽唐郭谷所謂轆轤韻。雙出雙入者也。在詩

家已非正格。然亦須其韻相近。如李師中贈唐介詩。以寒山同押。尙可。此詩乃豪歌同押。古韻律詩皆

無可通之例。宋人小說記閩士作賦。以天道如何。仰之彌高。相叶。適遇閩人典試。因而中式。是讀歌如豪。乃仲弓誤用方音。姑仍舊本錄之。而附訂其謬於此。

卷四

郊外卽事。勿聽鷓鴣行不得。雲山深處路尤長。原本不得作未得。案行不得。係鳥語。今改。
題楊妃上馬嬌圖。案此詩四支五微十灰三韻參用。絕句無此體。

四明文獻集 宋王應麟撰

卷一

周山川圖記。有浮而清。有沈而奧。原本沈訛治。據詞學指南改。

漢百官朝會殿記。經之營之。適新廣殿。原本新訛彰。又非止爲大會設矣。原本設訛殿。又蔡邕紬書

東觀原本。紬訛納。並據詞學指南改。

唐七學記。國子三百人。原本三訛二。據唐書選舉志改。

慶元路重建儒學記。純孝之董。文士之任。自漢以來。爲美談。原本任訛仕。案一統志。任奕。句章人。嘗著任

子十卷。朱育稱其爲文章之士。今據改。

先賢祠堂記。猶在國之祭于警宗也。原本缺國字。據周禮大司樂。及禮記文王世子注補。

天禧編御集序論有勤政。原本脫政字。據詞學指南增。
詩考語略序。笙詩有聲無辭。原本辭訛詩。據朱彝尊經義考改。

卷二

郊祀大禮赦文。昇丘而欽柴。原本欽訛斂。據揚雄甘泉賦改。

舉廉吏詔。周聽治以六計。原本六訛云。今改。

舉將帥詔。兩漢詔令云云。案真文忠公集。此係真西山語。原本訛作朱文公。今據改。

責論賈似道歸里詔。注。遣鄭虎臣監押之廣南。原本廣訛至。據宋史改。

賜左相陳宜中詔。注。由海道趣溫州。原本溫訛溢。又益王登位。原本益訛廣。並據宋史改。

卷三

代皇子謝賜孝經十六句表。祖武可繩。原本武訛式。據詞學指南改。又案語標表也。原本標下衍目字。

又漢羣臣書四品。原本品訛表。並據詞學指南刪改。

寧宗皇帝經武要略。原本略訛領。據宋史改。又稗寶祐端平之憲章。原本祐訛紹。據宋史理宗紀改。

請度宗聽政第七表案語。丞相總護還辭位表三道。原本相下衍言字。又脫護字。並據宋史王應麟傳刪

增。

謝賜御製牧民銘表。永久旬侯之範。原本侯訛俠。今改。

進光宗寧宗寶訓表顯哉謨承哉烈原本承訛烝據尙書改。

平充青州露布三捷取壽陽之境原本壽陽二字互倒據晉書及詞學指南改。

諭告巴蜀檄注檄軍書也原本檄訛機又脫書字並據詞學指南增改。

諭晉隰慈州檄興元元年八月某日考唐書李懷光反在興元元年而馬燧取長春宮諸軍平河中則在貞元元年八月此云八月某日是引用其平懷光之年月明矣以貞爲興蓋傳寫之誤。

卷四

昭慶軍承宣使左金吾衛大將軍加食邑食實封制案語試制書批答共三篇原本脫批答二字據詞學指南增。又宋知制誥召試中書而後除不試原本知制二字互倒又誥下衍中書舍人四字並據詞學指南改刪。

寧江軍承宣使原本承宣訛節度據詞學指南改。

葉夢鼎依前少傅觀文殿大學士食邑食實封制注利州轉運使王价子懇求遺澤夢鼎以爲合與原本价訛玠合訛舍據宋史改。

高達加食邑食實封制嘽嘽戎車原本車訛東今改。

卷五

翰林學士除同知樞密院事誥登貳樞極原本極訛樞據詞學指南改。

兼禮部侍郎誥。原本侍郎訛尙書。據詞學指南及本文改。

李庭芝參知政事誥。註令將校出粟。雜牛皮麩。以給之。原本麩訛曲。據宋史改。

文天祥特授端明殿學士。兼知平江府誥。不負素定之猷。原本負訛圖。猷訛營。又惟任之專者位必崇。

原本缺任之專者四字。又以增華帥闡之嚴。原本缺以增華帥四字。並據文忠烈紀年錄改補。

文天祥特授瀾西江東制置使。兼知平江府誥。注元兵破四安。刊本四訛西。據宋史改。

替萬壽知嘉興府。兼成都府路安撫副使誥。肆疇咨於虓勇。俾易鎮於犍爲。原本犍訛捷。據漢書改。

姜才御前諸軍都統制誥。注命朱渙守揚州。而與姜才將兵七千趣秦州。原本七訛也。據宋史改。

謝方叔特贈少師誥。案語史彌遠贈中書令。追封衛王。原本追訛退。據宋史改。

江萬里特贈太師誥。注謂門人陳偉器曰。原本脫器字。據宋史增。

王柏特贈承事郎誥。注父瀚。原本瀚訛幹。據宋史改。

尹玉特贈濠州團練使誥。注玉戰五牧。原本玉訛丕。據宋史改。

閩風集 宋舒岳祥撰

卷二

綠萼香梅十樹。咸淳間自內園買歸。亂後尙存。對之感歎。原本咸淳訛咸平。案咸平乃真宗年號。去岳祥

時已數百年。咸淳則度宗也。今改。

卷三

書事斜封。今不用。直指近方行。原本斜訛邪。據唐書改。

卷四

將爲鄞江之遊。先寄正仲。其二。哀湍瀉壞道。斜日照殘書。原本瀉壞訛寫懷。據杜詩改。
哭王達善。女授伏生業。兒工阿買書。原本阿訛愛。據昌黎詩改。

卷五

曝書庭中卽事。黍黃雞應州。草遠憤呼牟。原本牟訛年。據柳宗元牛賦改。
還龍舒舊隱。鼠營新穴壤。鶴理舊巢枝。原本理訛里。今改。

古漁父詞。其一。莫將文叔事。溷我釣魚竿。原本文訛又。據後漢書改。

卷六

同正仲賦。賴桐彩蝶。守著賴桐。不爲香。翩如鳳子。往來忙。原本鳳訛風。又寧號孟蟬。隨鬢裊。莫爲鬼蝶。

幻身藏。原本鬢訛鬚。今並改。

卷七

剪春羅。欲向小窗成扇面。世無陶縝倩誰描。原本縝訛慎。案書畫譜。陶縝。金陵人。善畫花果。今據改。

山齋觀物。額塗金粉。蜂歸穴。腹吐銀絲。蟻布羅。原本。布訛談。今改。

卷八

柘溪道中有感。得勢茅欺蕙。安居爵笑鴻。原本。蕙訛惠。今改。

卷九

楊柳楸。原本。楸訛村。案岳祥有篆畦詩序。述其池塘亭榭。有楊柳楸之名。蓋屋象舟形。若歐陽畫舫之類。此詩正題其地。今據改。

西洞宿雲。未是爲霖蘇。早日出山不似宿巖時。原本。早訛翰。今改。

卷十

劉士元詩序。詩貴成。成貴專。雖百工商賈。馬醫酒削。占覆小數。莫不皆然也。原本。削訛掃。據史記貨殖傳。改。

王任詩序。枝亞果新肥。審言詩也。甫用之爲花亞欲移竹之句。原本。新訛斯。據杜審言詩改。

卷十一

新建委羽洞天大有宮記。淳祐癸丑。今足庵王君。自玉京往禮焉。原本。淳祐作淳熙。案淳熙乃孝宗年號。文中足庵王君云云。乃岳祥同時人。與孝宗不相及。今改。

蛟峯文集 宋方逢辰撰

卷一

回許國正爭妓書爲魯男子則不可。原本脫魯字。今增。

卷四

胡德甫四六外編序。棘門如兒戲耳。原本棘訛兼。據漢書改。

卷七

講義篇。賢者能者服公事者。原本公訛職。據周禮改。

秋聲集 宋衛宗武撰

自序

由方寸精微發爲詞。演爲章。又所以題拂乎天地人之文者也。原本拂訛飾。案漢書激名揚譽。互相題拂。今據改。

卷一

獨鶴然雖啄菹恩。變化乃迅速。原本菹訛抱。據昌黎集改。

答野渡塾賓并其子和篇。嘆予以詩隱。貨藥猶韓康。原本。藥訛酒今改。

卷三

和野渡春雪。天教滕巽互驅馳。令下東皇莫敢違。原本。巽訛選。今改。

菊秋曉枕偶成。愁傾白墮嫌無量。老對黃花更有情。原本。脫花字。今增。

卷四

和丹岳其五。欲著春衫憶纖手。不勞陸展染青青。原本。陸訛陳。據南史改。
山行其九。陽春有脚堂堂去。萬縷垂楊繫不留。原本。縷訛繼。今改。

廬山集 宋董嗣杲撰

卷一

予辛酉春哭鍾松巖於餘杭靈溪。壬戌春於江州馬頭渡得家問。知田耕月亦爲古人。因述長句。案辛酉爲宋理宗景定元年。嗣杲正榷稅富池。集中有辛酉富池元宵寫懷七言古詩二首。此時不應仍在餘杭靈溪。當由記憶之誤。

卷三

蟻磯青鞋尋勝亦痛快。斜陽迅如箭鋒度。原本。斜陽作敘陽。案九江中有敘水。蟻磯非九江地。當是斜陽。

之誤。今改。

卷四

白家池亭。老水寒拖千谷翠。小蓮涼蠹兩池金。原本千谷訛千合。今改。

卷五

富池客中。雨翻茶崦春離岳。風颭監旗曉渡淮。原本崦訛菴。今改。

元宵懷鄉。其二。清河坊裏燈宵月。負却東風已兩年。案宋史張俊封爲清河王。坊以此得名。在杭州城。則知嗣杲實浙人也。

英溪集 宋董嗣杲撰

甲戌八月初九夜。武康山中洪水驟發。案甲戌爲宋度宗咸淳十年。嗣杲時爲武康令。距壬戌分司富池時。已十二年。其宦蹟先後略可考見。

裝伯弼周先生手澤。案周弼字伯弼。有端平詩雋。爲周文璞之子。文璞有方泉集。故詩有父子傳心旨之語。

滿替在眼卽景賦。其二。欲把肩輿卸。先將手板拋。原本手板訛平板。今改。

眞山民集 宋眞桂芳撰

初夏一夜熏風帶暑回。雨天濃翠暗庭槐。原本夜訛葉暗訛與。據四朝詩改。

百正集 宋連文鳳撰

卷上

秋懷其六。盤桓吳溪上。所樂只在魚。案晉張翰傳。無盤桓吳溪事。考盧肇思歸賦。吳溪一曲。有蓴有鱸。季

鷹高蹈於此卜居。此詩蓋兼用盧肇賦語。

伍相公廟。丁亥被燬。案農田餘話。錢塘江口有伍公廟。元至元四年。無火自災。此詩可以互證。

釣絲風短髮冷颼颼。倚船初下釣。又淺拂蘋花落。低隨柳影浮。案陳焯宋元詩彙選。倚船作倚欄。蘋花作

蘆花。

送杜子問歸明州。客程烟樹晚。鄉夢海魚肥。案四明志載此。海作鯉。

卷中

送沈伯僑回雪。若見碧瀾趙公子。爲言衰鬢與愁顏。案輟耕錄云。碧瀾趙公。宋宗室也。晚居吳興。黃伯成贈詩。有碧瀾堂外雙溪水之句。

有感。到此相逢莫相笑。誰知臧穀兩亡羊。原本穀訛獲。據莊子改。

送周明府公謹。弁陽山下買山耕。原本弁陽訛并陽。考周密自稱弁陽老人。今改。

卷下

送吳子敬序。阿諛順旨要領絕。原本領下缺一字。今從後漢書增。

冰壺先生傳。復命宗室貴戚。出五侯鯖饋餉之。原本鯖訛鱸。據漢書改。

吾汶稿 宋王炎午撰

卷一

慰趙如山喪書。士有師表。鄉有典刑。原本表訛有。今改。

卷九

題修浮橋啓。徒枉成。十一月可更後時。原本一訛十。今改。

紫巖詩選 元干石撰 吳師道編

卷一

感興。甡甡中林鹿。原本甡訛甦。據毛詩改。

卷二

浪吟。掀髯長嘯。俛大荒。原本。俛訛晚。今改。

心泉學詩稿 宋蒲壽晟撰

卷三

書草屋壁。力競負版蟲。計生養狙叟。原本。版訛蝦。今改。